

北湖小志卷四

阮將軍傳第十一

將軍名玉堂字履庭號琢菴其先由江西遷淮安始祖巖當明神宗時徙揚州生國祥國祥生文廣官榆林衛千戶文廣生秉謙秉謙四子樞敬樞良樞忠樞恭樞良生時衡將軍爲時衡子幼侷儻有志概長身健背行止偉岸與立者雖中人頂僅及胸能挽強馳射矢無虛發尤善讀書爲古文詞詩歌援筆立就中康熙辛卯科武舉人乙未成進士殿試三甲分鑲藍旗教習嘗從

北湖小志

卷四

一

花翎尋出爲都司管湖北撫標中軍遊擊左右營時撫標中軍改用參將大將軍岳鍾琪以將軍能保留之署參將印務改署九谿營遊擊乾隆五年五月湖南城步綏寧兩縣山內苗民數萬人盤踞山谷接辰州數百里肆出劫掠道路不通殺傷官兵鎮鎮總兵劉萬策討之將軍領九谿澧州洞庭常德四協營兵從萬策駐三界溪三界爲賊門戶賊悉精銳屯山口勢甚勦將軍度地勢偵探賊情六月六日進薄賊寨身倡士卒力戰賊大潰乘勝奮殺奪獲糧草器械無數賊退保各寨勢遂分六月四日攻八樹寨克之追殺數里焚其巢七月攻長安鹽井口客寨飛毛坪龍家溪竹林諸寨諸寨地險隘林箐深密將軍率衆步行冒矢石敗其伏兵鼓銳而進一日五寨皆下當是時



上慮兵權未一命貴州總督張廣泗蒞湖南總制全軍知將軍
謀勇深倚重之令督各營兵進勦南山大箐賊積木石斷山路
兵不能入將軍佯攻其大道陰從間道夜率健卒五百人攀藤
越嶺而入墜傷膝流血滿足脛縛以布進益力轉出賊後徹木
石賊覺來拒鳥槍繩火紛如亂螢將軍令衆負險偃伏藤牌護
前賊至槍齊發我兵寂不動賊易之久乃鳴一大礮鼓兵直下
如建瓴賊潰散正道兵無木石阻亦大進夾勦之殺獲甚多搜
獲龍砲刀檠刀標槍等器械前被害巡檢司印一顆餘賊八百
戶退據南嶺糧盡不支間出數十人近營跪哭乞降將軍爲之
請總制曰賊性多詐汝能任其咎耶將軍以死任之明日率賊
衆近大營跪乞降總制曰發三礮不叛去降乃誠乃發礮斃數
十人衆股慄莫敢轉側始受降是時各山賊寨並破老幼退保
入橫坡橫坡者險地也正路不能攻破將軍率兵由左路登奮
前奪殺突入賊寨槍礮所及賊精銳俱盡生擒男婦子女累三
千餘人賊寨盡平總制將盡誅所擒以盡其種將軍諫不可請
曰壯夫能執兵抗師者殺之其婦女及男子十六歲以下者宜
免爭不已乃許苗人環跪哭聲震山谷以功推陞河南衛輝營
參將以操兵嚴巡撫効之罷歸遂居城十六年

南巡接駕奉

旨以都司錄用明年補放廣東羅定協都司二十一年陞欽州
營游擊卒於官初江蘇巡撫張清恪公主武試爲將軍舉主公
與總督相訐奏解職居揚州館舍將軍虞其有不測佩刀挾矢

護左右同寢食數月不少離其報知已如此九谿有北山周數十里兵民所仰給豪姓者明季指揮之裔訟言山爲其家舊地將奪之將軍力爲申辨冒洞庭之波舟幾覆卒得請於制府兵民大悅謀立祠祀之不許後去任祠立迄今祀未已也所著有珠湖草堂詩集三卷琢菴詞一卷箭譜一卷陣法二卷乾隆元年授階招勇將軍生三子承德承義承信承德生兆麟高郵外委千總承信有隱德嘗拾遺金俟其人還之又以金贖士人女俾不失所時人稱之生子元今官浙江巡撫承義子亨監生焦循曰將軍沒家日凋落有僕楊祿高苗人也襁褓中將軍收育之至是令他適哭不肯去無已賣柔於市曰吾感將軍恩何忍事他主也尋復歸余聞某遊擊者勇力過人與將軍合兵攻勦且交善然好殺以斬人爲快其後以刃自刺死子孫無興者吾觀將軍事有以信天道之可憑也

文施畢趙傳第十二

文命時名二訓以字行居荒湖東種柳千樹名其居爲深柳堂一時高士多從之遊命時善畫蘭時謂之文蘭張庚畫徵錄謂其瘦筆乾墨運以中鋒秀勁技俗花蕊疎眼別具神韻展玩時令人有世外之思洵士人之高致也傳其法於子九臯及婿焦潤九臯字秋翎

施原自號曰牧民又號驢兒好驢蓄驢數十頭放於湖濱以自怡樂善畫亦以畫驢傳世以爲施驢者也

畢銳字穎君晚號山樵康熙甲辰科武進士貴州平壩衛守備

嘗以軍事駐養龍坑坑中多藏書穎君故好形家言得異本數種歸而習之遂能精辨龍穴指點多奇中當時地師莫能測也時藩帥驕恣有異志值平壩禾秀兩岐上官將以爲瑞責不獻穎君不可謬對曰平壩舊有此種非瑞也是年罷歸優游烟水間寄情於畫所作山水人物得者寶之年九十終於家

趙嗣夔字南平雍正己酉科武舉人指頭畫徑丈山水性簡傲不與富貴人往來晚年力田自給自號曰鋤夫竟窮死至於無棺殮時有孫畫者蘭之族孫畫工筆人物或惜其未超乎法也又有阮竹林以畫蟹名

焦偕曰康熙間湖中能詩畫者不一大都情致高逸不逐逐於塵俗屠沽博奕之氣賴是以稀也文命時施原性資高妙寄北湖小志 卷四 四 托遙深豈真役志於當門移神於長耳哉惜乎載筆無人歷年久遠聞其風不復能訪其事而令其徒以畫名也穎君出身戎馬筆韻淵恬南平濡墨大呼不以干世卽以畫論亦豈山人名士之流乎查士標嘗寓孚佑菴所書偶落人間四字尙存居未久故不錄

郭謝常周張王傳第十三

杏隱先生姓郭氏名天奎字葵心故居城乙酉

大兵破揚州母以驚死父縋城死兄之子七齡被執去兄憂鬱病甚先生不忍避去於燹火鋒刃積屍亂骨中冒死營其兩親之殯殮甫畢慨曰兄之子不返兄死矣已而曰

王師豈掠人者毅然往師間求之雪涕嗚咽丐食而前聞者爲

之悲哀徧歷營伍幾罹危險卒得攜兄子歸以慰兄先生世醫
父仰橋賣藥於南門街先生受其技至是居湖以醫濟人湖中
人德之畫杏千樹坐先生其下比先生爲董奉而祝其長生也
先生因以杏隱名

謝承貴字慕川子大才字燕山父子並以俠著名元末之亂揚
無遺黎明太祖徙民以實此土於是謝氏自江右來始居桃花
橋八傳至慕川當明季多故湖中之士皆閉戶呶唔不知時事
慕川獨挾貲走四方與燕趙秦晉間豪傑遊冀規天下大計得
一當以靖流賊嘗以千金貸臨洮令至其邑見其所爲知不克
終遂棄貲他適既久於外數年無家信燕山隻身走數千里尋
得之力勸歸隱乃歸爲農夫力耕之餘卽以濟衆至下河買田

子畝攜家童百指牛隻耕具父子躬親課之粟大積以貸貧者
見鄉曲有不順不義者叱而杖之莫敢侮亡友之家其家式微
或遠處春時自攜紙錢哭奠於地有大徭役衆畏縮不前則毅然
以身任胥役奸人斂手而退鄉里小兒桀驁者有所爲不敢
令慕川父子聞也高傑之亂潰兵肆掠有被創者數十人竄於
湖濱僵臥不能去慕川令燕山昇之村寺中滌其血汙裹之以
藥哺以糜粥周旋月餘俾得全活以去生平凡三致富皆散盡
慕川年九十五以終燕山年八十二以終

常用中字衡一黃珏橋人父聖敏喜浮屠說不如輩飲酒用中
亦不如輩飲酒人曰子幼年乃佞佛耶不答族老曰子之父蔬
食者有所爲也子何所爲而亦蔬食用中徐私語曰人子不得

以甘脆養其親可自食甘脆乎遂茹素終其身娶婦邵氏五年生二子桓楨而邵卒父以其盛年也令續娶以育兩子用中從容對曰恐未有性情如邵氏者轉爲兩子憂竟不復娶兄弟四人伯季早卒以楨爲伯後恤季婦延師教其孤事仲兄極恭年四十九卒病中旦夕惟呼仲兄不已他無所及郭嗣齡稱其孝親敬兄不嗜利無食色好不競勝不沽名譽吳寅爲作傳

周維藩字屏之一字藩卿孝友醇篤深于佛典歲時伏臘集高年數老諷經勸善壽踰八十鄉黨咸稱長者康熙戊子太常卿左公必蕃守揚州以扁表其門

張柯居廟頭本籍關中人善騎射重交遊有俠概爲武學生時邑令有墨聲邑民多賢同知朱公有曲直率就朱公訟令大恚

北湖小志

卷四

六

諸於制府制府故好令遂罷朱邑之民大不平日洶洶於街市聚數百人昇城隍神至令署傾水於堂曰洗堂令故健且特制府南面坐閉門縛人於是人各鳥獸散有諸生藍一采湯西京楊掖駕汝小泉等十餘人被執令訊之問誰爲首者莫敢答時柯以他事入城聞是事往瞰之見令驕狀不可忍闖然相向曰張柯首事者令持筆曰何物苛者柯張目掀鬚叱曰執柯以伐柯之柯非爾之苛也爾有罪奈何訊人令不能詰繫柯等於獄而上其事制府制府怒令益肆屬獄卒置柯死卒以牛革拳柯腕痛徹心膈夜三鼓有呼於獄外者以金賂卒一奴掣刀出畫拳腕得緩其人謂諸卒曰獄猶未定宜善視諸君賈十二爲督學掾令請褫柯等衿賈痛哭訴諸人枉狀力爭得免已而令遷

去新令項公來張得釋明年應省試中武舉是爲康熙五十七年乙酉科越數年柯在京師遊郊外遇一人衣冠甚偉相視而笑曰曩者君故武斷然君義士也柯熟視憶卽來獄中者揖謝問以姓名不告而去

王仲駮字星駕居赤岸湖乾隆七年水溢愚民盜決隄有司擒治之或挾怨竄入仲駮父名逮甚急仲駮曰父老矣兒請代死慷慨就繫大吏廉得其枉曰爾貌不類犯法者駮匍匐泣涕請曰水溢六年矣隄決則死緩隄不決則死速隄決家一人死隄不決合家且死天將雨蟻知移塚而况人乎大吏曰然則爾決隄也仲駮曰囚實不決隄然辯寃一人生達民隱則諸囚或生囚不忍一人獨生而坐視諸囚之死也大吏惻然依仲駮供疏北湖小志

卷四

七

請於

朝有

恩旨概不問

焦循曰謝燕山郭葵心王星駕挾雄桀之才舒父兄之難復能行其餘力濟衆及人孝弟爲仁之本不信然與張柯慷慨任愆隸胥短氣雖有歉于醇儒實無慙于義類也用中之行不出戶庭至性所鍾情欲忘焉是尤口譚詩禮者之所難與

王郭謝陳李常傳第十四

龐繩直 杜銘

王祖修字俊士方魏子康熙乙未歲貢生與郭嗣齡同時教授里中里中士分而從郭祖王守溪王宗陶石蕢不相下然皆以理勝者

郭嗣齡字引年一字述堂康熙乙未進士松江府學教授罷官歸華亭張榮述其槩云於乎述堂司鐸雲間將及六載誰復有知述堂者乎知之者祇有三三君子及門諸生而已述堂未第以前文名滿天下四方之負笈者固多既第以後一時之從遊者益衆俱不過專攻舉子業爲弋取科名之計若以行論知已良難卽如從前家食時半生淪落能重述堂之高風欽述堂之道範者舍李厚菴仇滄柱胡京蒙而外寥寥何不少概見也後至雲間稱莫逆者亦止子與王範之兩人已耳述堂之事兩尊人也雖就館於外甘旨畢備異味必供冬裘夏葛經時預辦婉容愉色出自孺慕之誠流露於外其孝於親者若此又能體親之心推愛宗族團聚孤癯生養死葬更能不私已有廣親之愛

周旋姻亞濟困扶危寡婦孤兒賴以完全名節者纍纍若若無倦容無德色歲以爲常在官日不輕然諾不苟取予一塵不染胥吏苦之故其告致也有若或勸之又有若或擠之者予雖百計留之而述堂之去志決不可挽回矣述堂一生嚴氣正性動循禮法事親孝交友誠居官廉處家儉耻奔競立名節暗室勿欺衾影無愧真堪俎豆宮牆與陸稼書先生後先輝映誠如史靜菴所云行將以引年重科目不屑以科目重引年也名言哉初述堂師事范石湖盡受其時文法以王文恪爲祖輔以思泉震川堅以自課卽以授徒適胡京蒙督學江南力正文體述堂之徒取技殆盡已而張樸園督學延鄘南殷夢五佐閱文夢五於時文少許可得述堂卷大詫異言於樸園首拔之子是述堂

之名振於四方同時何焯焦袁熹方乘如皆引爲同志其弟彭齡猶子滋沅長源壻謝明庚相繼登科甲天下論舉子業者推江都郭氏一門著有古文偶存集玉山詩集印山堂諸制藝稿雍正癸卯浙江鄉試聘述堂入簾爲同考官時文體尙駢往往膚泛不切述堂得金澳卷力薦之主司苦其文荒寒淡寂置第二人述堂大哭以爲非元不足以挽回風氣其以文自任如此高郵王心湛與論文始相牴牾繼而首肯以書報述堂云僕向謂守溪簡質後生學之恐少變化近得文湛持楊維斗二刻又得安溪前選總文三百三十餘篇凝神靜讀然後知不但前者之失言卽僕數十年來所奉爲先輩者皆非真先輩也守溪之法惟鶴灘荆川盡得之而猶遺其蕭疎淡遠一派宏正之問嘉靖之初不失步趨亦間有錯綜變化之法而於守溪之妙實未之盡也降而隆萬蕩然矣舉一切洗剝傳注推廣大全之法而盡棄之舉一切質實詮理字櫛句比之法而盡棄之舉一切靈奇幻妙似對不對而對之法又盡棄之第標驅兼數墨有朋數文而以爲守溪守溪云乎哉時師又振振焉取必讀本子中之隆萬文而以號於人曰真先輩先輩云乎哉然守溪之不易知不但今日前輩中亦多鹵莽文楊之評強半皮相而不得其腴理楊子常蓋深知之而總序之外不見一語近惟安溪公實稱隻眼弟評騰淡簡理奧旨遠後生卒難理會僕不憚老眼之眵細加評說得文一百五十餘首備目呈覽以從求誨並祈長兄指授生徒之目錄一紙見擲精加參訂則三百年祕密而

藏者和盤托出矣

謝九成字鉉玉初名鼎後改今名號鶴墅燕山子也幼時出就外傳與農賈之子雜處而九成獨錚錚鍊中適湖中諸名流聚而來觀村劇彘足師館見九成問所業曰解對句矣諸君出尋常五字句應聲答之甚捷一老乃觸所見出句難之曰雲裏紙鳶鳴赤日亦卽指所見應聲曰簷前鍊馬戰西風諸君大驚又一老嘻而摩其頂曰紙鳶對鍊馬鳴對戰已奇確何由而解赤對西乎九成肅容答曰五色安得不以五方對自是諸君歎奇絕遂號神童時時有過而試之者無不稱意以去且相與爲詩爲詞爲散雜韻語時諸老分美人十二題仿劉龍洲沁園春詞九成闢其二甚捷而工是時歲科並試入學額數至簡邑千餘

北湖小志

卷四

十

士矜盼三年惟十五人而十五人之厭人望者拔十未必得五故其父兄以應試難令投筆業賈九成不敢却夜起猛力誦讀日中第株守賈所不獨賈無所利而貌益迂滯父兄知其不克賈也還令讀書乃與郭嗣齡同師事范荃荃授以經史古文之學應學使試時學使不按揚郡者五年至此方臨試九成以村僻少年首拔一幟人方疑之乃出居於城與城中時彥登堂角技都人士多頰首遜服遂歸湖益自迅厲潛修力學不競名祿思傳學於來者於是四方願學之士就謁湖濱齋舍至不能容家絃戶誦聲相接也歲科試拾青衿如芥四五十年中文風甲於四郊自是始其宗人謝震居邵伯鎮慕九成之教延於家塾邵鎮之士翕然從之所著有鶴墅詩鈔二卷樂府學步吟二卷

湖上謝氏譜一卷以諸生終兄子旭字東寅旭弟天壽字觀南
號愛園並能詩高風古道里人望而生敬湖中論文學者必推
三謝東寅有遺問偶集一卷觀南有來青閣詩集一卷

陳儼字敬輿一字以莊乾隆庚申歲貢生幼習負販爲布客一
青衿與交易敬輿稱以先生其人怒批其頰叱曰爾著木裙目
不知書何物奈何先生我敬輿大不平將報之人曰不可爾生
意人敢與讀書人狡乎敬輿憤曰讀書固專若是與曰然曰吾
不爲生意人矣請改而讀書遂師事謝鉉玉盡得其學鉉玉愛
之妻以女嘗手寫七經誦之精於說理郭述堂以講學自負敬
輿至必歛容以待謂人曰此生理致神駿妙悟勝人其論時文
宜本先正理法尤宜合題位以肖神吻時盛傳王廣心縉蟹黃

北湖小志

卷四

十一

烏文敬輿擲諸地曰摩曼之音亂人心智且於大學引喻之旨
果何與乎館於公道橋阮氏以歸胡之格授其門人阮鶴隨或
咻其不利於試也時學使有提試之檄取七人試極嚴稍疎者
莫敢往敬輿率鶴隨就江陰試得售而歸于是衆人乃大驚服
旣而館於黃巖商也一布袍未嘗自忤甘泉令劉公履乾重其
人爲序拆字新編刻以教後學至今里中習時文者無不以敬
輿爲圭臬也年九十卒於家所著醒齋詩時文偶存草范公堤
利病議子顯祖孫德瑛能世其學以教於鄉里德瑛卒遺書存
吳太學宗贊家

李裕滋字問山號釀園宋忠臣李庭芝之裔居高家橋與高淡
園爲鄰和易善誨人學者親之著有釀園詩集子來鶴志鼎皆

縣學生來鶴字孚中歲試得高等於次當補廩膳生無缺衆釀金爲之謀孚中拒不受不可及也

常鴻儀字象若用中子也家有別業在鴛鴦塘用中延李裕滋爲之師以吳泃陳儼爲之友共讀書其中剗切以成其學儼旣老鴻儀授徒里中里中讀書之士半出其門若范華春楊長發周玉桂喬兆奎皆其選也精於易數除夕自卜知死期明年果卒同時有龐先生者名繩直字良木嗜酒高吟不伍塵俗後生學者多從之遊後不知所終或曰沈于水其後有杜銘字容西居桃花橋以文苑教授生徒著有潭北庄詩鈔

焦循曰湖中時文之體獨能存先正風格其有牛鬼蛇神敗壞法度以求速化者一童子能笑之當是時士之貧者授徒以供

北湖小志

卷四

十一

衣食其相集也非會文卽談藝賦詩以市井角逐爲可耻偶涉佐訟居間則衆其遠之此風俗所由醇也自王郭以來師友講習之功不亦遠哉

吳千爲傳第十五 重光

余幼年十三四時見吳宅迎

誥命焚黃墓間賀者觀者如蚍蜉蟻子里中老人曰吳千爲故善人此其報也時千爲子重光官代州知州其親戚族姓友朋附之者無不赫赫從事於衣裘僕馬之盛吾里中變椎魯爲聲華自是始也未幾代州罷友朋散族漸凋落二子相繼死里中宅賣於他姓湖之濱幾無吳之迹矣里中人或歛噓太息曰吳千爲故善人何如是報也歷年旣遠里中後生莫知千爲爲何

如八千爲婿李君我士藏有千爲叔涵所撰千爲傳我士爲余
門人李本善族兄本善父道南又與重光爲同年生求得傳以
示余其敘家世最詳而於千爲之善未能言也余聞之里人云
千爲產不過中人而好施予每歲暮權其里中之貧者緩急多
寡析白金作數等各裹以紙納懷中昏夜按門而投有知其所
爲者就而謝之則答以不知也歲以爲常其親族賴以舉火者
無論焉千爲名椿年一字秋崖其先歛溪南人業畦於揚遂入
江都籍祖于鳴遷居黃珏橋生三子長訥安次岷原次涵訥安
生椿年椿年甫弱冠卽佐理家政而委曲備至以求當其親心
兩親沒哀毀不愆於禮與兩叔同居處生齒日繁一以至誠接
之馭以公慎從無疾言厲色岷原病竭力調治藥餌之費不少

北湖小志

卷四

三

惜及卒哀痛極篤涵曰余年來老憊不堪子又幼小而維持調
護幸得優游歲月者侄之力也卒之日內外大小無不痛哭流
涕蓋其慈祥愷惻之意始於骨肉廣以及人凡施藥施棺貨錢
貸粟皆緣孝弟睦嫺推而致之者也生三子長重光乾隆己卯
科舉人次耿光縣學生次世光太學生重光字宣三一字岱泉
號愛廬壬辰夏揀發山西始任太原縣知縣調陽曲署絳州丁
酉引

見奏對稱

旨陞代州知州署朔平府知府事以醇縣民孟姓殺人事故吏
議効力軍臺其幼子慶仁跋涉出關迎父歸時以孝稱耿光子
慶謀語余曰岱泉公善治邑斷獄人稱神明太原去省四十里

民多充上官胥緣公治之崇善黜惡無所顧忌民皆懾服有煤
窳一顯宦屬前令封禁業主不得開公勘訊斷如法有從兄弟
爭水道不相能居間說合之人毆其兄死其人畏罪賄其弟頂
認咎公察其狀有疑反覆究得實太原有劇盜久未獲公引市
井無賴子常犯法在籍者察其材可任寬其既往開以自新衆
咸奮過歷深山窮谷得之是日黃沙滿空大索無遺擒其渠魁
通省諸劫掠案悉結在陽曲禁官錢止官當舖有七十二約支
應馬草僅存其半皆凋敝瘠薄之村蓋其餘巧爲脫而倍增以
累是也公盡復舊制時大興朱文正公爲布政使司謂公曰君
此舉可謂仁明慈惠之政也河津縣豪矜妬奸殺人縣令故寬
之公甫蒞絳州提訊得實明治其罪丙申川師凱旋過翠巖檄

北湖小志

卷四

十四

公署夏縣授以指令富戶助夫馬公不可自損廉以應不累民
前令案牘塵積民多上控公理一月皆息在代州復斗山書院
按程課士甲乙皆出已手代之人文甲於晉由公之教育云
焦循曰岱泉承陳敬輿李問山後一變而爲臺閣冠冕之文遂
自以之取鄉薦一時從遊者應府縣試多列解首可謂盛矣然
先正典型淪於肌髓一加藻績文采遂彰若弟尙其文漸亡其
質披錦繡於土木靈氣俱盡何以文爲王郭之學學者或厭枯
淡而遠之吾謂文勝者濟之以忠規矩者方圓之至也肉雖多
不使勝食氣可矣

孝子傳第十六

房永興農家子也居崔家嘴目不知書而至性過人始母病孝

子刲股肉進之良己已而父病股肉不復可割乃破脅出肝以療父父又得愈未嘗使父母聞也創甚倦臥於牀母以其不力田也而責之強起擔麥隴上脅創裂枕藁而跽血淋漓漬於秉乃其知孝子割肝事扶歸臥數日創合不死又數年以病卒里人陳儼作五言詩記其事甘泉令龔公鑑立石表墓墓在黃狂橋東南七里陳家衝田戶屋側

郭癡者郭庄人母死臥棺下三年不沐不箒不茹葷飲酒不與婦人言人以癡目之故名郭癡其名不可詳郭庄在孚佑菴之北齋端符云

睦四亦農家子乾隆二十六年大水踏其屋其父棺故未葬四不肯去泣涕伏棺上浮沉波中胸肉盡脫骨露血涔涔然

北湖小志 卷四

焦循曰余於里中求所稱孝子者僅得三人而三人者皆田家不識字之人嗚呼豈誠然哉永興之墓有碑石人猶有知之者郭癡睦四之孝出諸天性其誰知之丙寅夏水大溢棺之漂於湖者不下數百或浪擊散或倒置灘澳間皆莫知其所從來久之亦無有來尋覓者農叟因道睦四事以爲其父骨之存賴有此見余乃得聞其略不然四亦隱矣唯其隱吾益信其孝之誠然而如睦四者豈無人而莫有能傳之者耳而謂稱孝子者僅三人豈誠然哉

程翁傳第十七

程翁名維章其先泰州人世爲小兒醫尤精種痘之術與先君子交最深結廬湖中居相近每與相對默坐終日不發一語室

中若無人也翁通儒書善歌時吹笛作甘涼之聲令聽者泣自翁居湖湖中人不知有痘之害山西某令不遠三千里以騾車迎翁去見其子曰聞翁之技然不敢試也能預以狀語我乎翁撫兒良久曰當得二十九粒見某某部已而果然翁之跡唯往來邵伯鎮主孝廉張容堂家乾隆乙巳先君子棄世翁乃去爲海上遊迄今不知所終余嘗閱顛顛經其下篇言治丹之法極詳疑古人於痘槩謂之丹耳錢乙始詳治法陳文中繼之而治法相反汪機本魏桂巖作理辨以參論錢陳兩家之得失此術乃以漸而精然未有如種法之善者也相傳宋王旦得諸蜀中老媪者不可考然非聖神之妙不能爲此余幼時出痘卽翁所種後見翁治諸弟妹始以痂入鼻七日項下痛壅起如瘰癧翁北湖小志

卷四

六

曰萃於此矣於是創著而壅失凡痘家所忌此則視爲常譬之荆楚虎狼之國也晉文公伐曹衛而致之於城濮故夫挫之而莫予毒爲此術者誠通乎微合於聖人治未病之義而愚者必不肯爲此以待其毒之自發必挾寒暑乘疫癘兼鬼物其勢旣熾然後議攻議補幸而勝之吾氣已奪何如消之於未萌而逐之於所及防也

裔烈娥傳第十八

楊升菴作孝烈婦唐貴梅傳歸熙甫書張貞女事皆不憚刺刺言之夫貴梅以府官毛旺受賊不獲雪而傳於升菴之文張貞女以張副使邱評事得賄將寢其事以熙甫之爭得白裔烈娥死事與張唐前後若合符節恭逢

盛世有賢太守爲之理而請旌於

朝一時紳士建祠祀之以視貴梅之遇毛旺張貞女之遇張副使邱評事幸不幸何啻霄壤向嘗彙輯府詳志傳詩文爲二卷亦云備矣然傳聞之詳略異同恐後之人惑之也復爲書其事吾鄉黃珏橋之裔姓爲望族瀕湖而居曰裔庄無他族娥家獨貧父病將死亟覓婿爲媒誤許西門孫大成時娥年二十一終喪年二十四康熙辛丑冬十月適孫媒云孫銀鋪實則磨豆乳爲業姑魏有女二人長適陳爾德次適凌九齡爾德迎父柩江西九齡父以婦不安於室控縣存案於是二女居母家有縣吏楊綬萬及孫成武與其母子通魏漸呼娥出娥扃戶自守明年正月呼益迫乃告夫約俱死碎鏡及梳具示不復爲人十三日

北湖小志

卷四

七

夜夫婦甫縊鄰覺救之不得死二月歸寧哭訴於母並告兄振遠但言有外人往來言之不明中夜持母袂泣臨去檢母篋中青白線各一縷曰兒必不玷辱祖宗是爲三月二十二日四月初三日成武綬萬相繼來宿十日不去十七日夜魏迫呼娥出娥不應魏惡詈之不應諸淫醉裸而譟窻下娥乃用青白線合上下裏衣縫紉至足更以青白線縊而死線斷墜地魏覺不救惟以婦縊駭客去盡有其裝物以病死聞其母娥之舅祖郭進士嗣齡曰母老憊兄皆鄉愚惟鄰人悲其慘嘉其烈平日以母家遠每遇非禮相遇必泣拜鄰謂將來務作證以白吾潔江都黃湄曰娥死鄰人鄉人塗之人皆奔走歎息號泣拜屍下或語侵魏魏反唇焉衆激而譁俄積數千百人懇諸府知府曲阜孔

公親鞠之獄成創諸淫如令設具親祭於柩前葬平山之右岡樹坊曰清白銘心撫軍吳公聞之給扁曰捐軀明志初娥死大成自刎不殊魏匿箱籠什物寄金麗生家鳴坊報縣言娥積銀四錢將買布爲大成索去買豆以致自縊江都令不能察會衆鳴於府府飭儀徵縣令李昭洽檢驗知娥事情實乃駁縣振遠供出凌姓休婦弔閩縣卷知所供孫家僱工名二子者亦供男女暖昧本末坊差又獲孫成武於金麗生家魏氏等不能諱獄乃具余聞諸振遠曰楊綏萬縣吏也故縣庇之府終以裸諱爲緩萬諱僅科以杖不罪其強逼也哀哉然太守讞語云人非甚不得已孰肯輕棄其生黃湄爲碣文云烈婦之縊諸淫逼之諸淫之逼姑嗾之夫非嗾之逼之亦何不得已之有儀徵方覲表

北湖小志

卷四

六

其墓云諸淫伺大成他往裸諱窺下而府詳則云是日大成與裔氏同處成武等自無窘辱之事因姦威逼之條自難向孫成武等比擬嗚呼大成在室其母雖淫能呼其婦出乎孔公賢太守也而庇一縣吏吾爲之惜矣乾隆丁未間有伶人朱三者縱其妻淫呼子婦迫汗之婦不肯以剪刀殺諸雪中有爲之說者又賂其父母家官乃不理吾友汪光熾作文以討之余亦撰樂府詞歌永其事惜不能如升菴熙甫之文足以傳婦雪婦用是思孔公之賢又何可多得也歲壬戌余在錢塘館阮撫軍署中見秀水章原姑死烈詳文先是原姑父坤元業屠姑與母居樓年十九縣隸張五者屬唐土方張勝林強委禽父不肯而許北門楊姓五乃率其徒沈文英周高謙於門誣女嘗私與之盟姑

聞大泣是夜縊死辛酉九月二十日事也議者引鄉曲愚民隨口斥辱之例欲寬五之罪撫軍不許曰始而謀娶既而誣辱於門雖無字跡當用死律五卒議絞而姑請

旌或曰五縣隸也諱爲衣工欲寬者得毋以隸故邪余嘗錄其案於道聽錄中振遠與余爲中表親其年九十餘賣魚市中乾隆乙未夏六月縣隸陳猴者誣振遠抗魚稅繫其子辱之致其子投水死縣令王某亦以隸故不欲明其事給棺錢笞責而已振遠夫婦遂傷痛相繼死去娥死時五十三年

貞節傳第十九

陳嘉誼妻金氏本郭家橋人明萬厯巳酉遷於黃珏橋市時嘉誼年二十金年十九生一子喬數月而嘉誼卒金處始遷之地

北湖小志

卷四

九

距母族遠日奉老姑內外無期功親陳氏之脉不絕如縷金氏上事姑得其歡心生養死葬不愆於則下撫孤子既遂其生復誨以義守節五十八年子一人孫四人曾孫七人元孫十八人其族遂盛

國朝乾隆二年追述請

旌立祠於鎮西街吳寅題其額云節賢堂

厲恭人者阮千戶子秉謙婦也千戶罷官後秉謙沒值明季兩鎮構兵城中不可居恭人請於千戶宜避去乃懷金五十兩挈呵子奉翁出北門遇亂兵以刀傷鼻流血得免止於北湖公道橋教子皆克家勤儉所積用治田宅遂致富其第三子樞忠中康熙庚戌武進士仕爲滁州衛守備恭人得

誥贈爲恭人君子曰事翁以禮孝也撫子有成慈也守貞數十年節也知變避兵得保其宗智也今北湖阮氏稱盛族實原於恭人恭人墓在子戶墓之北樞忠副室辛氏年二十六守節至七十九歲卒乾隆癸卯科武舉人大武妻史氏年二十五守節至七十歲卒武學生誥武妻朱氏年二十六守節至七十四歲卒縣學生畫堂妻歐陽氏年二十五守節至七十三歲卒太學生升堂妻耿氏年二十七守節至七十四歲卒恭人後以節著者五人縣學生阮金堂副室張氏兩次刲股肉救夫一在乾隆戊戌一在乾隆己亥生二子長承春次鴻食貧教子茹苦終身鄉黨以爲賢母也

焦循曰昔何生婦周割肱愈何生病歸熙父爲文以弔之詞云

北湖小志

卷四

三

惟孝子之獨行兮世或議其爲奇苟毀身以全親兮又何乖於民彝斯前世之所傳兮在人子固有之至于今而創見兮婦爲夫而自刲夫與父其一道兮夫孰謂其非宜余錄張孺人割股救夫事附厲恭人後已死而守之未死而救之其義一也

廟頭賈仞千妻張氏鷺鷥溝張庄人生於康熙癸巳年乾隆庚申仞千卒時張年二十八守節三十年乾隆丙申年卒
常典女弟嫁城中孔某爲婦逾年高傑兵亂被掠常氏知不免掾藏利刃袖中至是大呼自刲死見康熙江都縣志借載筆者不能詳述其事也

監生謝銑妻王氏年二十六而銑沒銑之父天資失怙早孤奉孀母依外家梁氏至是銑又卒王氏不欲依人織紉以給柴米

俾老姑温飽娛樂不悲喪子守節六十年當明神宗時舉於有司王氏生二子承富承貴承貴生五子大德大才士賓士賢士磨大才生五子九卿九棘九章九臯九成九臯生五子竹旭姓銓天壽旭生三子延年永年迎年延年早卒妻賈氏廟頭庠生賈汝梅女年二十三遺孤月桂甫周歲永年迎年亦相繼沒翁姑老年悲痛賴賈善慰藉之撫月桂成立善生理家業康盛凡守節四十七年乾隆甲申請於有司得

旌表月桂生二子長灼長炳皆早卒灼妻歐陽氏同鎮歐陽永年女炳妻錢氏錢家衝錢九如女歐陽年三十八錢年二十七皆無子兩婦相輔持家和睦無間言撫族子竣爲灼後已而翁卒歐陽亦卒錢教授讀書今已弱冠錢守節亦三十年矣竣從

北湖小志

卷四

三

余遊述其家事以語余謝氏自王至錢八世而有三節婦楊烈女黃珏橋人許字程氏子未嫁夫沒喪過其門烈女號痛不食父母勸之女曰已許程爲程婦寧論嫁不嫁乎遂自縊事見康熙江都縣志惜夫及父並不書其名詢諸里人無有能言之者甚矣序事之文不可不詳也

赤岸湖農民貢成儀妻仇氏十五而嫁十九而孀生二子方襁褓翁姑憐其少諷之改適仇氏曰翁姑得子遲故娶媳早幸而有子媳去子誰與撫且媳卽子也子死而媳存翁又何憂願矢死力田以育兩孤君子聞其事而高之甘泉志云

農民王京華妻黃氏亦赤岸湖人夫死撫幼子力田自守豪民王姓者矚其少鴛華京族人強嫁之不先令黃氏聞鄰媪悉其

謀密以告黃氏大號哭抱子繞棺竟夜慟不絕聲強暴至則已縊於棺側死矣湖中岸士潘人龍憤豪之橫而黃之冤嚮田授黃氏兄弟爲伸理資令懇於官豪挾以危言黃氏兄弟懼竟寢其事雍正江都志云

周鼎妻謝氏黃珏橋人謝象乾女年二十五而鼎沒時康熙二十四年也謝忍死奉舅姑撫二子又中御良並成立又中卒妻潘痛不欲生謝婉慰之共撫遺孤琨琨生玉桂玉桂生岷岱皆世業儒謝年八十八卒於乾隆十三年守節六十三年事見常象若祭周節婦文文中言江都陸公朝璣載入縣志今志中無此文其續修者刪去耶特錄之

常第授妻賈氏黃珏橋人年二十一歸常第授故庭弱多

北湖小志

卷四

三

疾賈調護維謹踰四年第授且死念其無出有所欲言而莫吐節婦慟失聲捐心以示卽不食常旣沒諸姒勸之賈曰吾非必欲以死殉者舅姑老吾夫不及事吾又無所出顧唯食不下咽耳乃強進粥以自活舅姑憐其少而孀也曰吾有他子婦一切服勞不汝煩節婦應之而勞苦如常立第授兄子星儀爲後愛之不啻所生每提其手哭告於夫之靈曰夫有子矣自爲發婦凡歲時伏臘卽昏姻至戚不得復見其面年六十四而卒守節三十九年里人陳儼作常節婦賈孺人傳亦云名列郡志而志亦無之

奚貞女父名冶臣業醫居黃珏橋市南貞女性端正不苟言笑幼受聘許氏子學海學海幼失父母依外家病瘵女痛許孤登

義不可親往爲調攝乞父時爲之診視躬治藥餌使家人饋遺許病劇遷僧舍欲邀女一見謂治臣曰死生夫復何言余所以依依者痛死無以爲繼而生無以爲歸也女聞卽強赴許遂卒時康熙五十六年五月五日也貞女甫十七臨棺成服葬許於許氏祖塋從此茹素去華飾有爲女重議婚者女卽絕食求死誓曰生不同室死而同穴是吾志也父母喻其志不復議嫁守貞十九年病死復甦謂父母曰許子死兒卽欲從以父母素愛兒兒不忍重傷父母心今死晚矣同穴之誓毋我違遂瞑年三十六時雍正十三年九月初五日也墓在黃珏橋西壩磯頭道旁葬之日里中文士數十人投以詩歌甘泉令龔公鑑表其墓曰玉潔水堅今呼爲奚家老女兒墳

北湖小志

卷四

七

焦循曰余兒時每聞先母謝太孺人談奚貞女事未知著錄久而不記其夫名氏徧問人無知者佃客吳六識貞女墳固語余言十年前木坊尙存今圯矣然問其詳終莫能道也戊辰春里人張連偶於余族弟德致家見余族祖敬齋先生所撰奚貞女傳草稿急語余余求得讀之錄如右嗚呼忠孝節義之氣鬼神必左右之不令磨沒而心之精誠亦驗於是嗚呼可畏也夫潘氏赤岸湖宰士璉妻也始適士璉見其貧亟典簪珥以供翁始而勸璉習舉子業未四月璉病中死法與潘訣曰若將何爲潘曰妾之死生一視君君死妾焉得獨生今絕粒已幾日矣璉曰非也子死無益於我不如撫侄以後我則子不以我之死而死我且因子之存而存潘頷之璉卒潘一如所言家益貧日僅

具一餐而令翁姑得飽食嗣子不饑寒皆女工紡績爲之也乾隆乙卯三院具題奉

旨旌門今宰家灘之南有宰節婦坊

沙林士妻常氏年二十三而孀貧苦幾不自存教其孤永福讀書入學有聲于庠序已而永福卒常年九十守節凡六十餘年又宋鴻妻葛氏亦二十三而孀卒年八十二皆公道橋人

公道橋營卒金長齡妻許氏僱爲郡城富家爨婢得值以佐夫食連年水溢米昂貴許所得不足以濟嘉慶十一年八月長齡以餓死許聞信大哭不食曰吾飽食而令夫死於餓也尙何以爲人是夜自縊死

焦循曰余旣詳述裔烈娥本末又得貞節若干人錄於篇年未

北湖小志

卷四

雷

三十而夫死守節三十年例得上於有司然非士大夫有力之家鮮有傳者匹夫匹婦生長村僻其血性所發本無所爲而爲而子孫宗族卽有知表而彰之者又且阻於勢夫霽體塗足之夫誰克登櫺星之門而詳述其事乎其湮沒而不彰可勝感哉余家奴陶裕娶於杜十年而裕死里俗夫死妻自度不能守者則葬時不詣墓裕葬杜不往哭之亦不甚哀衆人方疑之時裕父榮及幼子福以余家中落忽颺去惟杜存先太孺人憐之恐其將他適人也呼令依母家杜垂涕泣抱其孤叩頭再拜去旣依母遂與母共起居母死則依其寡姊面嚴若鐵心冷若冰數十年未嘗苟笑撫其子爲之娶婦今有孫矣竟不嫁先是夫之弟察死翁老死杜氏皆葬之翁之父母及妻厝淺土至是並深

葬歲時寒食以羹飯紙錢拜其冢余家有事則至任僕婦之役
至今不衰余每戒余婦令善視之然杜氏固不知何者謂之節
也裕死時杜年二十七今年五十八是亦仇氏之流附述於此
以待採風者核焉

王夫人郭母傳第二十

劉向撰烈女傳分目七曰母儀曰賢明曰仁智曰貞順曰節義
曰辯通曰孽嬖范蔚宗本之所載桓少君李法姊王霸妻之事
皆不必毀髮苦節之流也余謂女之德有三於父宜孝於夫宜
順於子宜慈貞節其變也惟變之是稱設有廉潔仁義之行教
家裕後實足以爲里鄙式而雞鳴昧且借老以終轉以其庸行
也而忽之乎且吾見溫飽之族適寒素之家或至羅綺自矜恃

北湖小志

卷四

五

兄弟以偈夫黨每依父母之日多而親舅姑之日寡風俗之一
敝也至於嫁爲後母息有前兒嫌隙百生乖陵暗長或者婦有
長舌上車而問驂入室而徙曰伯叔姒娣之間分張離異男雖
不德婦實啟之大之破家毀室小之喪名播惡尤令人仰天推
心而痛恨者也聞王夫人郭母之風庶乎其興起邪

王螺山夫人李氏明遠東巡撫李植女也生於華胄而白處若

荆布幼知書明大義明末螺山在浙右躬履行間夫人脫簪珥

以佐軍興謂螺山曰以身許國無以家爲念也螺山旣放廢歸

隱於湖湖中故有埤田一項夫婦躬耕親負錢鏹刈禾於野與

田夫田婦相比伍母家富盛邇在郡城夫人木牀蓆席衣緼食

粗未嘗一顧嘗題其柱云羊求誼洽蓬茅潤梁孟心諧杵臼香

君子多其知義安貧能成夫志也

郭進士嗣齡母錢孺人父名嘉禮字儀五高隱不仕生一子三女孺人其孟也性婉靜而喜習勞稍長卽佐其父母綜家政里鄰中稱賢且能明季兄及仲妹被掠嘉禮死乃奉母及少妹飭居北湖時杏隱先生新喪配王遺一子一女於是續娶於錢時孺人年十七杏隱年三十八前婦子士震年亞於孺人孺人殫心操作慮密惠周寓慈愛於嚴肅中因各得其性情家庭雍睦無間言越十二年而生嗣齡嗣齡生弱而多疾孺人雜參於乳哺剝魚剔雀以飼少長病吐血孺人百計求適兒意每雞鳴時親調糕餌至於再至於三旣就外傳竭誠致恭於師師之家有緩急力爲之謀師感其意委心教導兒有妄動孺人輒懲戒之

北湖小志

卷四

柔

不姑息已而嗣齡成進士知名於四方母教使之然也杏隱不善生事得賢婦而意益慊高吟坐歎樹杞啜茗暇與孺人鼓琴倡和偕隱湖中者五十年年八十八而卒孺人與叔姆李情好如姊妹李卒每思則泣爲士震娶於戴生子永祚無何戴卒士震旋亦卒孺人皆親處藥餌經理後事撫承祚及長爲娶於何生本曾又爲之撫而教之本曾入學爲諸生爲娶於陳生酉元爲少妹擇配於贊皇劉孝廉國裕生二女而卒又爲其長女擇配於謝明經世臣世臣嘗京師女又暴卒孺人自湖中入城撫其幼子朋庚俟世臣歸親付之以嗣齡女爲朋庚婦儀封張清恪公嘗稱孺人曰厚於伯氏終三代焉厚於女弟終三代焉如孺人者可謂賢婦人矣初嗣齡成進士

功令留京師教習三年拔充先用嗣齡以母病告歸歸而貧甚授徒得修脯資以供養餌時嗣齡年六十孺人年八十七里中戚友繪耆年戲綵圖歌詩題贈者盈篋又一年孺人卒

北湖小志

卷四

七

私傳第二十一

余六歲從表兄范先生學先生名徵麟字彬文號秋帆祖居廟頭賈滿范廟頭之望族也先生多識前言往行好爲詩日可得數十首與同里沈鳴謙泰州王聯爲莫逆交倡和獨多先生家赤貧授徒外不名一錢爲人謀不避嫌怨不恤勞苦時或笑以爲迂先生不顧也任天而動不雕不琢先生沒湖中人未見有性情真篤如先生者也好遊山水嘗自負囊篋步行上牛首夜臥於鹿暑蒸疾作不以爲悔有所感觸輒爲題目署紙上置便袋中歸時徐徐吟詠之有秋帆詩稿十餘帙又所記載舊事軼聞及遊記余嘗求之而不可得今先生金子金又沒遺書盡失矣嗚呼是非循之罪與

余年十三學於舅氏謝君舅氏名聯芳字蕙田饒寡言笑古道君子也嘗曰讀書以能背誦精熟能解爲勝當時易其言久
久繹之誠爲功實而爲用遠也

王居重字容若又字尊瞻螺山先生之元孫與先君子爲中表兄弟居余家五十年田租財貨出入其手未嘗私一錢與人言
兩兩如不能出諸口而遇非禮非義毅然不可犯片楮寸鐵收
而藏之往往得所用涉獵史鑑好舉忠孝節烈事向村媪童孺
道之年七十三卒於余家葬諸庄北原上

阮承春字載陽余婦族父也儀徵學生世居公道橋讀書好博
覽性厚重共推長者嘗輯子史類書中凡顏子之言及行事編
爲顏子內外篇

北湖小志 卷四

周玉桂字丹如屏之元孫琨子余族父軒之壻也閉戶寫書自
守如處子所輯有循吏傳四書考證大學中庸文匯

門人謝文英字景張年二十六而夭死惜哉生謹愿沈靜似鈍
拙而有穎思余爲術筭之學門人中鮮有好者生獨信從每私
問其要余授以九章三角弧矢之術不一月能推步而心知其
義有志於經學屢問余余以爲宜先習舉子業授以時文生之
爲時文也好雅潔幽淡而不染浮豔之習見余爲古文私竊效
之頗解序事法善書初習宋元余以波磔之義語之遂知上及
晉唐余病生侍疾夜不臥者十餘日禱於神請損已之壽以益
余余門人數十人未有篤信善學如生者也以兄子病夜行乞
醫以勞受寒而死嗚呼生不死十年後湖中以文學名四方者

匪生其誰也惜哉

焦循曰傳不可以私也傳而私者何明其爲余之所私也余所私而實有其可傳則私而不私矣然余不敢自以爲不私也故私之語云剛毅木訥近仁又云巧言令色鮮矣仁由斯而衡或亦諒余之不私也夫

北湖小志

卷四

完



亦藉余之不私也夫

山之南云爾本亦武夫天注其命而後矣口由世而後

亦藉余之不私也夫

亦藉余之不私也夫

亦藉余之不私也夫

北湖小志卷五

江都焦循著

書人端第一

乾隆丙午夏六月有乘肩輿於市者一老人負囊從之囊中皆錢童子數十人繞其輿不能前輿中人怒責負囊老人老人唯唯已而入市肆飲盡肉半筋曰吾不耐輿矣步行去負囊老人隨之不及汗浹背輿中人姚姓仁和名是日值百歲誕日謁沿湖諸神廟肩之者其兩孫負囊老人其子也年八十矣仁和髮尚黑望之若六十許人精力健於子西山林樞言爲之治酒肉以待賓客有賦詩爲之壽者明年余省婦翁渡湖與仁和適同舟問其所嚮曰將入城策蹇乎曰步行觀其貌樸而厚類有道者然而農也先是里人將舉於有司又離商某欲張其事仁和叩頭謝曰我農人生平未敢自放故活至今日一旦妄爲非農人所宜且促我歲用是未舉於有司或曰丙午仁和已百有一歲至此百有三歲矣仁和堰橋人

北湖小志

卷五

荒湖農人許子德見年九十歲生五子有祿有壽有茂有魁有福有祿見年六十七歲妻嚴氏生二子永林永發永林見年四十歲妻仇氏生二子聚山聚松聚山見年二十一歲妻李氏生子乳名穩子今四歲

書天時第二

中西之星名各有異蓋星本無定名隨所見之象以立名而記其度次耳湖間星名又各有異以參中三星橫斜若犁名曰犁

星諺云犁星落地水成冰謂十二月夜半參宿西流也以昂七星相簇曰七撮星正月七日八日觀其在月之上下在上角豐在下角歉以尾上三星爲水車星平則晴倚則雨軫爲拙婆登帳星倉心房鉤鍵東咸及下天輔從官等星爲老兒星畢爲父星貫索爲荷包星天市垣之吳越齊中山九河趙魏等星爲船星北斗爲旗星以心宿爲挑燈草星荷鼓爲挑石頭星栽種收歛以諸星之伏見爲候

正月十三日於社廟前立一長竿絳以竹片懸燈百餘箇視其色以驗年之豐歉至十九日乃已十五日懸大秤人就而衡之以驗骨之輕重增損婦女擇有松柏之地環繞而行謂之鑽松三月三日簪薺菜花以祓目疾四月一日插旱茨樹枝立夏日

北湖小志

卷五

二

食豌豆芒種節爲交梅有草結小實似楊梅狀青色大如豆謂之渴睡果是日佩之立秋日食瓜八月十五日以麥作餅供月十月朔日食慈巴煮糯米和豆屑爲之十二月二十四日送竈以破瓦載飯焚於門外焚枯草作餞圃不生蟲且以占年也除夕貯水於瓶稱其輕重記之明年每月初一日十一日二十一日復等其輕重輕則雨少重則雨多

嘉慶甲子四月朔天氣嚴寒草葉戴霜甚濃黑色著白衣上如染緇惟黃珏橋數里有之

黃珏橋東南里許舊時有蔣姓立貞節石坊立之夕雷起震坊粉碎遂莫敢復立此乾隆初年事嘉慶七年七月有男女十數人於管家尖刈稻適陰雲四起黑不見人田畔有盧衆以將雨

也其趨入少頃雷起廬中擊殺一家夫婦幼子三人其婦脅下
一孔貫顛幼子方食乳其男子死又一處中有人間之有前夫
子爲雷掣入水田中不死雷起時不甚震旣霽聚散方見屍橫
於地也

書物異第三

廟頭鎮四面皆水有大竹墩又溪水環之舟而後達康熙二十
二年有虎蹲竹中人繞溪外觀之莫知所從來也居一日而不
見亦莫知其所從去也

乾隆乙未四月飛蝗如雪竹林木葉皆盡甚至損人衣褻傷人
肌膚相負渡水穹然若梁有老婦持刀詈之竟爲嚙死蝗之盛
莫過此矣然是時小麥已熟皆齧落其穗狼戾滿田而不食於
北湖小志 卷五 三
是里中貧人攜筐擔籠拾而貯之日可得穗一石鰥寡孤獨瘞
疾者有養焉田主無租而窮民得食有祝蝗爲仁而拜之者亦
一奇也

乾隆甲午秋有臭蟲自南來形如小蠶累千萬盈几席牀帳間
穢氣可厭春秋所謂蜚也不傷稻而去

乾隆甲寅三月至五月不雨六月六日大雨農喜若狂伏日無
盛暑酷熱市井無裸露者七月苗秀長七八寸豐年可卜矣八
月之初穗頰稿折及其時一望如雪自節以下青且澤節之旁
有小穴黑藩外浸折之有蟲黔首皓軀古書所云食節者蟹也
災過於水旱不能與水旱同其災蝗害可捕而此蟲隱於節間
不可捕書之以待格物者思所以治之也十數年前有黃蜻蛉

數萬飛繞田間遺溺苗葉則頭結而萎衆以爲社神馬嘉慶丁卯七月雨後生蟋蟀晝伏夜出食蕎麥麻豆至於再三二者亦莫知所以治之

嘉慶甲子四月湖隈生蝗農甚恐已而化爲蚊大如秋蠅蓄人痛入肌膚而二麥竟免

乾隆乙巳大旱湖水涸竭民饑無食乃掘豬莖薺作屑賴以不死豬莖薺者三稜根也生湖灘圩田中高郵賈良璧有三稜賦其序云三稜者農夫所謂撒浪者也田中見之則五穀不生已未之秋郵氏大饑有闔戶自經者忽老嫗令食此物遂家傳戶曉賴以全活者數萬乃記其事而爲之賦以告後人之饑饉而無從得食者然則乙巳之食此固有所授矣

北湖小志

卷五

四

湖中三稜有兩種其一爲豬莖薺其一爲草子所謂廣陵草葛者草子所織也有家野二種家者莖高五六尺枝葉皆以三爲率湖農三月種之既長攬起頭於一處而後分栽於畝秋刈而束之以灰漚坑中漚熟以刀刮去穢又刮之其表爲草皮用之繫物絞索其內暴乾析之成絲謂之草紗四五月紡績成布謂之草布硫黃熏之作白色以製夏衣勝於麻葛惟洗久則黑或經濕則易朽耳野者徧生湖澳間僅可絞繩不中績布

嘉慶丙寅六月水退其車田稻苗潰敗者生稻孫竟秀而實其下者種晚稻多變爲稗每石相半農家分別之晚稻石得米三斗稗亦然以稗米作粥民一冬頗賴以飽書之以見黃稗不可

棄

丁卯湖水涸湖隈生龍古高七八尺民刈之頗獲利龍古盡掘土中茆根以爲食沿湖日數千人偃僕如蟻余令童子掘之其狀長二三寸有毛去其浮皮白嫩甘香可烹食是物惟白茆湖有之此湖之所由名耶詩云言采其茆或卽此乎又有剛耳薺叢生如盤貧民亦采食

丁卯九月二十一日鴛鴦塘陳士連家牝彘產一象半日而瘞陳氏子持入市衆簇視之有三牙鼻長四五寸隨手伸縮謝姓者以三百錢買之保甲孫彭是日親見來語余

廟頭瞿姓者患病不能爲生理忽有大蜂帥萬餘小蜂飛繞梁間約半月成一塔高三尺徑六七寸爲七級每級有櫨櫺可啟閉遠近往觀者人投一錢日釀錢數百一日蜂去瞿隨死所得

北湖小志

卷五

五

錢足供棺斂此乾隆壬子事

章雞至春變爲格敦劉淵林注吳都賦云鷓鴣似鴨而雞足郭璞云一名章渠顏師古云今之水雞也然則章雞卽鷓鴣與格敦或卽鷓鴣之轉聲禮記作盍且

突黎大如鶴頸有肉囊可盛數斗口張則囊見漁人得之賣於市每日須飼魚數觔按此卽鷓也突黎正鷓之緩聲

宋家橋出瓜大者如椀小者如杯皮棧而瓢紅味甘而醇近年少遜其人力之不齊與

書金石第四

桑營之農濬塘得一頭骨大如斗有二石農得其一而以頭骨爲燈檠余族人訓蒙其地者偶見之令埋其骨索石歸余以

二金買之置半九書塾中其文多殘缺首云十二年歲次乙亥
閏二月壬辰五日其下缺次行云馬軍都指揮使金紫光祿大
檢校其下缺三行云孟璠誌銘並序則撰文之人也考自漢文
帝十四年乙亥至明崇禎八年乙亥凡次乙亥者三十一惟宋

文帝元嘉十二年乙亥以此文考之非也朱梁末帝貞明元年

淮南楊渥尚稱天祐十二年是年乙亥有閏二月

天祐十二年
即吳越之天

寶八年十國春秋是年閏
二月己亥王至自衣錦軍是石十二年三字上尚存祐字之大

半族人云初出土有大唐二字爲鋤鍤所毀遂不可識容齋三

筆記鄂州興隆寺鐘題誌云大唐天祐二年三月十五日新鑄

金紫光祿大檢校尚書左僕射兼御史大陳知新銀青光祿大

檢校尚書右僕射兼御史大楊琦大字下皆當有夫字劉原道

北湖小志

十國紀在楊

之父名與夫同音故將佐爲諱之以此相

較其例正同即爲淮南楊氏之臣信矣乃其銘云墮雁烏號斬

蛟龍鏢一帶山河盡曾開拓定難金批擒兇鐵馬孝敬奉上恩

威臨下又云君旣傷儀臣惟洒血淮北江南流傳英烈則是淮

南開國勲臣死君之難者方張顥徐溫之殺渥也其有義形於

色寧以身殉如孔父仇牧其人者乎溫旣殺顥以大逆歸之因

獎從難之人而以禮葬之耶石文殘缺莫者其人書此以俟知

者

誦芬庄掘溝得一古磚上有朱書字置水中隱約可見竹廬都

尉曾以示余上有將軍云云時酒酣目眊不能細核明早都尉

北行及其歸問之已爲佃客作磨刀用字皆磨去矣余族之九

和言此磚上有檀道濟三字都尉言無之惜未嘗細核也
仙竹顯孚佑菴一小銅鐘明洪武甲戌鑄無鑄者姓名

北方寺鐵鐘永樂十五年四月鑄鑄者姓名有李胄韓緣陳福
黃福永卜善富饒善靜張福圓福元口元福僧興吉

誦芬庄觀音寺鐘成化十九年鑄鑄者姓名有馬成焦原韓亮
魏誠魏福鮑宗秦福葛林陳能張龍陳四榮鮑寬陳裕陳成陳
龍王宏信李智交口春張甫段成孫富吉寬二十二人冠以信
官又吳太口間孟成王福蔣英聞忠李口鄧浩何海王貴賀春
王玘周貴李貴口口張剛張山趙名李海趙全劉能高明張林
徽正二十四人冠以信士主持北正圓口圓清募緣僧人圓勝
又信士馬仁同男馬口口主造匠石忠胡義後又鑄通州張家

北湖小志

卷五

七

灣大口關信士

劉氏杭宗倪氏倪興仇獻彭宗施興蕭貴

倪口子能鄭能吳口口旺夏旺周廣呂慶顧謹口同許俊榮宣
口鼎口口任華莫英董成郭通康福徐政莫文樊廣王亮陳正
吳氏莊貴王氏謝敬單敬單能曹瑄曹信李寅陳俊孟亮張名
黃景文宋玘李名隔十數行又有信士盛昭王氏口口許忠邵
能王名許鎮呂斌劉剛劉信許誠許能許潤向章梅問呂真卜
友劉通徐俊曹全楊福張原韋金衛俊劉福陳大名李泉薛仁
梁智宋名樊貴

戒壇寺鐘正德八年鑄

廟頭司徒廟有成化時鐘見范荃詩今不存

洽平寺鐵鐘一口嘉靖二十九年十一月鑄鑄姓氏江鑰鑰妻

口氏桂鑑疑妻吳氏桂字疑江洪洪弟江清江漢王希介曹鉞

鉞男曹芸曹芳孫瑤孫琪孫必捷孫必成梁萬王昇金鎮袁瓚

梁鏗殿和口馬氏楊盛張氏吳氏寺僧明口又有石蓮花座

萬曆三十四年八月二十四日孫有威梁之升造

大帝寺鐵鑪一座萬曆二十八年十月鑄鑄字云揚州府江都

縣豐樂鄉永豐鎮各庄人氏梁承仁陳科梁孟春金賢梁承義

姜桂程有富孫敏梁承榮盧正梁口口于富梁承智劉勝梁堯

日程科梁承基聶學汪有能聶龍梁季春曾彩劉應賢聶口梁

可聘徐科梁可讓梁錦梁進科程景周遇春孫正梁仲祿劉好

梁仲鶴曾和梁子遜梁春王宣劉科王天祿金立曹義張元劉

有禮彭文梁喜保周能張應奎大帝寺久圯鑪在治平寺中其

北湖小志

卷五

八

地為永豐鎮及孫梁諸姓尙可賴以考見

乾隆乙巳湖水涸漁人於黃子湖得一金梳醫士秦宏一以千

錢買之識者以為金兜蓋也後被訟於縣為縣隸取去今不知

所在

書詩話第五

許師六太史獵微閣集有題棲碧山堂詩云棲碧山堂數酒尊

為尋舊跡洗苔痕半橋遠望諸村見三載題詩片石存直引水

光搖篋笥誰從花徑老兒孫何時高臥湖邊宅夜夜濤聲入夢

魂年年車控遠鄉塵老眼時逢赤岸春愁向天公占甲子喜看

人事勝庚申吹簫橋畔多遊冶賽鼓村家說鬼神獨惜故交中

壘後一椽茅屋臥湖濱謂故人又有凌青閣及池塘生半陰處

兩詩又湖中詩云湖邊翫鬱甚髣髴足幽棲四牖橫高樹千村
獲短隄斷橋來客少斜日落潮低最喜田家叟驚心是馬蹄四
望少烽烟湖村慣隱眠柳青纔到地水碧欲連天花鳥三春夢
樵蘇萬古緣不須餐玉法象外說神仙赤岸松風好尋芳坐草
堂細烟開窄徑老樹架危梁燕雀閒相狎山川不盡藏何堪勞
智慧窮老理縑紉小閣池邊立嶽崎石亂投雙眸橫水面一角
露牆頭草木幽人意漁樵隱者儔纖纖風月好無事夢揚州棲
碧山堂爲許氏別業在公道橋今祠堂尙存市中祠堂祀鄉賢
許仲容及念修力臣仲容名明賢念修名承宗力臣名承宜康
熙丙辰進士官至工科給事中師六名承家康熙乙丑進士官
編修承宗承宜承家皆明賢子相傳許氏明季避地北湖故湖
北湖小志 卷五 九

中有其別業及祠墓然縣志載其避地金陵則未必居湖矣今
第據師六詩記其別業於此不復爲諸許立傳別業所在不能
詳故亦不專記如誦芬庄例也師六子昌齡亦有棲碧山堂詩
見碧摩亭集

費滋衡姊嫁黃珏橋王敏士余見滋衡手書拜姊墓詩淒楚動
人今錄之驅驢古北門道途多恍惚淒風刺人眼舊事驚慘戚
雖同處鄉縣忽忽十載隔那無親弗思水陸異周折念昨壬戌
年呵姊甫出室弟來視阿姊冒雨行空寂夜半至湖村逆泥雙
腳赤吾姊隔屏呼驚喜見顏色人事不可量修短命所厄兩氏
骨肉親展轉各棄擲今來問故道但信僕夫述其日風捲塵僵
僵日色白舉策驅我驢驢瘦苦無力昔修新橋梁跌落幾甍

有柳七株齊心記且不識十里淮子橋衢路渺難覓田塘一曲
逕細尋亦不得道旁多穀樹秋深都結實纍若珍珠貫圓若珊
瑚赤其他雜林藪一一莽蕭瑟人心懷慘怛樹木皆鬱悒半途
賈家墳結轡暫憩息逢僧問去路前林指昏黑晚至黃垆橋舍
驢步阡陌時恐改故蹊而又開新術遙望是君家門閭今轉仄
門前開方塘仍其舊垣壁忽逢一老嫗見面若彷彿開口及姓
氏擬度果不失卒道十年事迸淚沾胸臆瑣屑話生平語不厭
倉卒嗟此隣家婦猶思阿姊德前行入其門呼應主人出上堂
拜親母次錦笈他室王郎新娶婦兒女已歷歷見甥復呼姊歡
與悲交集譬如接枝花同根却異質婉轉留一宿中夜自悽惻
幽咽牀下蟲涼月照白壁夢覺平生事芒刺在背脊人生天地

北湖小志

卷五

十

閒聚散總何益明且上姊墓逕荒迷不卽逡巡隨人行一里至
墳域野草何蕭蕭傍添新葬骨十載無封樹那求碑碣石亂草
牛觸開古竇蛇穿入招呼守墳老移時至墓側斬藤乃下拜焚
楮烟旋息平生最好勝一旦裹荆棘傷哉泉下人知今是何夕
念此驚我魂嘔逆心不懌從此別爾去再來定何日范荃清明
坐王敏士齋次作桃源憶故人詞云花光草色還如舊正是清
明時候雨過苔痕鋪繡屐齒侵香齏爲言上巳今朝又修竹茂
林前後逸少風流俊秀袂袂能從否觀此敏士亦佳士也

江閩字辰六吳湖州壻也有至黃子湖訪外舅詩云扁舟四望
水漫漫天地偏從曠野寬雉兔隨時供射獵魚蝦鎮歲足盤餐
遠連暮靄村烟碧近接秋原木葉丹一事略爲筋力累風前月

下愛投竿又題外舅快堂詩云誰謂草堂隘悠然別一天小橋
斜避樹清沼暗通泉野寺荒雲外漁舟夕照邊主人幽興熟刪
訂與徵權

吳璉字馨聞號伯菴其先山西襄陵人康熙甲寅乙卯間居湖
大會賓客其柬客詩有不用鳴鑼集之句用東坡湖上宴客事
也是年東軒落成范荃題以詩云依舊平湖十里烟憑君收拾
到堂前卽杯直吸波心月倚棹空摩鏡裡天鷗鷺別尋方外侶
琴書賸結野人緣閒來一覺朝曦滿不管花堦過入磚後侶菴
城居湖上別業屋宇垣牆多爲風雨所壞侶菴偶一至湖荃復
以詩寄慨云別後愁無極空懷天地寬故人猶繼絕衰柳自闌
珊蓬鬢秋風老綸衣夜月寒東來瞻馬首長憶路漫漫侶菴以
北湖小志

卷五

十一

貞生考授鹽運使運判其本末不可詳別業亦莫知其處也
康熙間湖中文酒之集最盛如孫滋九之柳庭徐又陵之坦菴
文命時之深柳堂高蒼巖之湖西別業皆饒水竹之趣高氏尤
稱清遠范荃題湖西別業詩云湖西別業高君宅十載傳經坐
此中滿沼荷香消夏日一簾柳絮撲春風人同咸籍饒真趣客
盡鄒枚有素裘最愛東軒憑眺好水雲浩蕩帶飛鴻
郭士璟廣陵舊蹟詩詠六湖云六湖舊是桃源地問著關心總
不知一自浪驚高堰後誰看雞犬入茅籬

余有寫本漪菴詩一卷得自姑夫范坻仲家卷中有隱居湖上
答友人一首云偶爲逃囂隱一邱長卿老矣曠交遊愛陰每植
隄邊柳寄樂時投水上釣荒館圖書聊破寂閒門衣帶頗爲修

不堪又與風塵近慚愧違時到白頭詩有懷葉博之作又有弔
梁飲光死節詩有文壇麗澤之語則生於明季矣惜名氏不傳
僅此詩集且屬蟲殘鼠嚼之餘幾不可讀錄數首于左以見其
概立秋云昨夜梧桐葉墜柯商聲颯颯枕邊過蛩號細草增詩
料露冷牀羅偏睡魔節候已經隨髮改離騷每覺到秋多火流
瞬息衣將授太息炎涼奈若何雪牕雜詠云楊柳知春色半含
霏微雨雪暗烟嵐村茅隱樹堪充書萍葉墮流且結菴地上野
蔬清餉足杯中濁酒夢魂酣貧家瑣事皆詩意叔夜疎慵我不
堪晚霽湖干夕照明雪銷牆角尚留清柳因久潤搖新綠鳥快
初晴弄巧聲樂事可攜琴作友愁城能破酒爲兵年來白放三
春去皓首風流努力爭涼秋云涼秋寂寞蒼荒樓市遠塵囂隔

北湖小志

卷五

七

水西兩影雪霜成老叟一牀風雨共荆妻澆愁囊澀唯謀寢得
句思絲嬾覓題菊瘦無言陶令嘆絳憲浙浙助人淒五言云護
菊閒驅虎敲鉤學釣魚樹多驚易暮亭敞覺先涼溪雲舒卷靜
野菜短長肥壁富詩成市松枯貌近禪柳浪吹帆軟谿光浸月
斜落紅憐砌冷搖綠贈窻清殘荷風欲響流水月難圓

妾雪蒼爲僧有祝髮詩今不傳錢塘潘雪帆問奇有題雪蒼祝
髮詩刻拜鵬集中云三生石上厭華簪火宅蓮花尙可尋天下
有絲都繡佛眼中何事不灰心酒旗歌扇人猶在箬笠櫻鞵路
已深禪院倘能攜我去一龕勸禮象王金

雪蒼有旣上人詩一卷范荃謂其詩才清越筆致隱秀如舟入
漳江出入石罅清聲如鑑細草小石歷歷可指兩岸壁立萬仞

如削蒼翠欲滴其篙師航工非長年三老則觸石立碎以故舟
中之人俯仰瞻盼應接不暇今錄數首於左歸湖云市喧難久
住旦夕思湖陰布衲出城遠春光入我深風含慈母意草挾少
年心自覺歸途直徐徐聽暖禽過范石城齋留壁云如此開軒
坐東風意若何自然來樹色忽復有禽歌天地故人少草芽元
氣多前溪將結夏莫更懶相過獨眺寄月樵云君應開戶立漠
漠野田空我亦橫襟坐茫茫水國東斜風雙鳥白細雨一花紅
咫尺春無限幽思何路通清明節云只此一枝柳年年折若何
冷祠田父酒荒塚牧兒歌白髮髮仍出青雲變已多且拈花作
供空色兩隨他林間候鶯語云黃鳥來何暮青春去已賒能無
思故柳亦恐見殘花嘖嘖燕多喜紛紛蜂自譁好音終不遠芳

北湖小志

卷五

三

樹滿天涯沙香洲茅舍落成喜修慧師遠至云數椽今始就竹
樹繞溪回我但隨緣住君能爲法來板橋支臥柳水鳥近香臺
十八賢如會白花應再開院中蝶云低昂惟有影來去各無言
不入羣蜂伍知爲異草魂風多家未定雨暗夢何存若是繞花
思安能戀水園歲暮七律云刺面風沙斷旅魂浮生只覺寡營
尊樵枝爛足三冬火野雪深封十日門有客贈梅先索偈與禽
分粒各無言何須楫櫂攢頑石朝夕鐘聲到四村雪中云板橋
無蹟過荒汀玉樹橫溪倒影停縮項水禽方咄咄秃唇蔬甲漫
惺惺龜留火緒生晨爨竹作水聲入夜聽欲乞寒花供大士北
山人去掩空庭月下興慧修山雨二師納涼云竹樹玲瓏月幾
層娟娟螢火挂疎藤三分夜氣初降暑一片秋心已化冰風便

乍聞荒寺鼓溪田斜見遠村燈坐深若問無生事今日茶香且
未能試燈夕坐如是菴感舊云殘雪千門晚乍晴居然簫鼓亂
春聲莫教商女歌瓊樹忍聽何戡唱渭城烟市夜闌燈易散竹
堦人靜月孤明開窻又是三年矣幾點寒花太瘦生答夏次功
云俯仰無聊愧衲衣敢將饑渴附歌薇風吹鳴鳥春何遠月落
空梁夢已非天下士如君尚隱山中雲笑我遲歸肯來湖曲尋
蓮社人在瀟瀟水竹圍張赤城瑤房伯仲移居橋壑云我欲成
茅君復移圖書雞犬一舟持何人於世得無累此日不貧翻可
疑講席尊嚴無道在山田礪瘠有秋遲獨憐煮水澄湖畔少却
二難來誦詩又張無違移居五言二首云不肯憐華綺翩然來
卜居聲光生畎畝風味見詩書種秫將爲酒垂綸豈在魚樵青

北湖小志

卷五

尚

家自有籠錫更何如長統能全志田園可樂賓德公知遯跡妻
子亦超塵何事宜今日如君類古人南溪有鐘磬且夕引爲鄰
無違亦當時高士湖中人絕無知者賴此以見

梅衛瞻瑋江都詩人也嘗往來湖中與陳浩海陸价人范石湖
呂尊舟訂詩酒之社有寄陸价人詩云故人新歲見一倍語寒
溫霜雪存肝膽江湖越夢魂承歡聊菽水養拙且柴門梅柳沙
村路春風約酒尊刻其鴻堂詩稿中又有常兆熊招集詩云會
著衝泥屐來尋大隱居柴門殘雪後蘭徑蕙風初紅縷吳江鱸
青絲楚岸蔬邀懼兼悵別把酒意躊躇

徐坦菴范石湖羅然倩爲北湖三詞家坦菴詞集久行於世石
湖嘗與徐松岑合刻諧聲集今不傳然余有其詞百餘首擬與

坦菴詞合刻別行唯然倩所著霞汀詩餘零落不多見僅得九
首備錄之以存其梗概晚坐浣溪沙云斷岸頽橋瀉水痕淡烟
濃樹倚孤村不須高手仿雲林幾點疎星行客夢一灣新月女
兒心誰家搔首怨黃昏春閨卜筮子云日午怕梳頭不擬妝成
豔才把青銅還又拋羞與儂相見強欲理瑤編著指心先倦小
語喃喃會罵人輸與梁間燕漁父畫堂春云波光遠映蔚藍天
朝來賣有魚錢瓦盆擎處荻花偏醉了重眠不管秋風叢桂寧
知春夜啼鴉妻兒團坐席帆前閒看雙鴛美人南柯子云瘦約
裙拖翠障羞扇影蕉妝成好處轉無聊手把一編深坐背花瞧
無語情偏篤含真臉更嬌新詩幾字抵投桃試問三生石上怎
生消臨江仙云昨夜海棠開徧矣朝來幾片飛英推窗聞喚乳

北湖小志

卷五

七

鶯聲沈吟如有句殘夢未分明記得當年隄畔見流光屈指堪
驚無端暮雨與朝晴檻花迎淚眼山鳥伴愁更鷓鴣天云破壁
何堪風雨侵又兼門外水痕深持竿展畫開昏眼拾火烹茶候
嫩音敲幾字跋雲林松風熟後坐簷陰酒家未解耽清玩不質
螭頭水玉簪南鄉子云疎雨濕檐廊一片虛明在小牕睡起偷
然無箇事蒼涼幾點殘紅落硯旁何事恨偏長欲寫新詩怕愴
傷一自玉人歸去也他鄉臨水登山總斷腸蝶戀花云漏無聲
人語悄洗却胭脂一點唇兒小繡被春深寒尙峭情多只恨宵
陰少百舌頻催牕易曉握手匆匆秣馬鳴芳草幾寸衣裳寬褪
了憑誰寫去相思稿玉樓春云爲誰消瘦悲紈扇旅夢天涯尋
欲遍遠書細寫紙條見央及梁間飛乳燕支離不穩青絲篋才

別銀燈心已倦誰家乘夜搗秋砧又送新愁來小院

羅然倩詩集不可得有句云竹間偶坐尋苔跡花外間行待酒人其高致可見

葉敬白華堂詩有龐大繩直從黃子湖寄書附示近詩兼惠佳味賦謝七律一首云吾愛風流龐士元湖光千疊到柴門緘題碧簡驚長夢潑刺銀鱗佐晚飧半尺烏絲分異錦十年青髻隔金尊何當閒夜聯吟去捕蟹篝燈入水村

范荃哭黃澹園詩云衰病催君未老年多時余已重潛然看花忽敗前春興畏藥惟宜白晝眠橋市每聞傷躑躅城闔猶憶共流連可憐竟逐東風化聊贈泉臺買醉錢君去泉臺最可傷故人星散恨茫茫閒齋不復爲懸榻野肆何堪更舉觴地下有緣

北湖小集

卷五

七

尋勝侶天涯無路問家鄉遺孤未識憑誰托辜負青氈一脉香弔呂蓴舟云三徑曾邀二仲遊霜庭剛報木瓜收吟酣絳蠅揮紈扇談燕青衫顧蒯緱俠氣尙留眉宇在禪心已共水雲浮故人未及生芻蕘舟旆能爲范式留哭羅然倩云極目秋江泣斷雲蒼天何意喪斯文一春梅放傷朝雨五月榴開醉夕暝敝帙尙留新改字荒山空見未成墳從今得句憑誰正破硯殘書擬盡焚江雲秋水慘鱗鱗結得霞汀去後身草色一庭留別恨蘋烟兩岸伴孤鄰月沈山曲添新冢風滿湖頭哭故人我欲招魂君至否水邊花裏薦清醇訪文秋翎五律云獨步秋郊晚行行入雁羣稻香留滯穗人影逐斜暝倚樹看紅葉臨流弄白雲醉容真可掬強半爲愁分偕郝騏生暨仲子雯生歸湖云與君攜

君子云范氏饒於財明季屢被盜一日寇至家人皆避去一童被執盜拷積蓄所在童不言剖其腹血上噴壁間百餘年來其跡不滅又一日寇至家人皆避去令十數佃客守家盜明火利刃勢極凶熾一佃客云與閉門拒之不若開門禦之鼓勇率眾力鬪氣百倍盜潰棄械而遁明日視之其矛皆以枯魚縛竿首黑夜視之如刃然若童與佃客可謂能忠其主矣惜未問得姓名不克爲之立傳也康熙時有名士佳者居之士佳仕爲涼州府同知罷官後樓歸其族人德言德言於樓側種萱一畝築亭臨之花時鼓琴其中以娛樂其母旣而爲沈氏倉嘉慶甲子始拆毀今無其跡

張志雲字際五號慕槐其先鄞人也父以材武得官防禦多善

北湖小志

卷五

七

績獲罪免官來居黃莊橋市而浮海賈貨以舟溺蕭然無一物存耻見妻子不肯歸志雲少長旣締昏郭氏而歲毅然棄家出尋父幼稚不慣行路又行李困敝更閱歲欣然奉其父歸問其狀始出茫然直渡錢塘歷天台雁蕩聞所攜止筆墨素紙到處見山水花樹鳥獸皆握筆摹其似漸卽所見人貌之稍異者畢收之紙上自覺此技可通於神旣得父所文曰吾老矣歸何以食志雲曰兒筆可代耕也父疑之徧訪吳越間老畫師示以所作畫幅輒太息曰此天授非人力也志雲遂以畫名亦能詩與郡中諸名士月一會爭雄長焉

裔之爲氏惟湖中有之余聞諸先君子云明功臣徐馬兒之後也馬兒坐藍黨其子孫改易姓名逃匿湖中於今蓋五百年其

先世神主內仍書徐某凡祭祀告神之文亦書徐湖中有裔家集裔家莊族甚蕃衍世以耕讀爲業今亦散處四方

湖中常氏相傳爲明開平王後在明季姓胡雍正間始復姓常改姓之由不可知也常之先賣藥於市其肆尙稱胡家藥店元末經張士誠之亂洪武定戶江都止存十八家其最著者有火郝三姓湖中火家洪郝家樓其聚族處也今二姓他徙無一存者尙稱其地爲火郝鄉相傳黃珏橋隄未築之先自陸家嘴設渡達劉家嘴名三陳家渡今稱渡船港者卽其處也渡南陳姓最富有園亭樓榭名陳家樓渡北則火郝爲巨族自渡口而東有街市人烟輳集商旅往來河淮旣合滙爲六湖市移而西是渡乃廢

北湖小志

卷五

十

前明孫梁二姓爲湖中望族有孫某與梁飲光同時爲縣令梁死難孫迎降迄今里中人有梁忠孫不忠之謠

裔翁富於財當明季河伯爲災上下河艱於疏理翁親赴邑中願輸家財以通水利於邵伯鎮北造閘一座隄之北水自上流而下隄之左右百里居民實利賴之因名裔家閘今改爲穉家閘翁之元孫德林字子懋事見謝九成祭子懋文惜翁名字不可得

陳敬菴幼失父母事王父母以孝稱王父疾篤刲左臂肉和藥以進事見常鴻儀祭敬菴文惜本末不詳又陳儼祭范翁文言其生八歲而孤事母以孝母有疾稽顙北辰求以身代割股肉和湯藥以進母沒哀毀踰禮又言生平言笑不苟遇人無貴賤

大小一待以誠實不欺敬惜字紙合藥濟人買禽魚放生種種善行不可枚舉篤學至老不倦經史子集外佛書醫卜之類靡不究心尤長于詩詞康熙癸未秋夢異僧來迎辛丑二月初七日易簪時亦稱有佛在座歿之日里人士無不墮淚草稿中不填寫名字遂莫究何人也錄於帙聞以俟知者

湖中文學舊推鸞鸞溝張氏一門張濩字二我康熙辛酉舉人子思武字詔聞雍正丙午舉人生三子長重基字學田縣學生仲重淑字儀一乾隆丙辰舉人季重培字自申雍正己酉舉人詔聞精青烏家言嘗擇地葬其先以爲必連得科第是科已中式發榜時以對策引佛經語被黜相墓再三日誤矣亟改向果五年而得三孝廉

北湖小志

卷五

七

滿肖字青扶廟頭人少聰雋有儀容陳公宏謀守郡時極愛之曰揚州之上吾得滿謝兩生然滿以文勝不如謝以福勝謝謂少司寇浴生也滿竟以諸生終

謝余詮題裔虔翁室扁云歲丁卯其先大人寢疾虔翁徧訪醫藥繼則剖股肉以進迨戊戌季夏虔翁病令女少君亦剝股肉以進其爲父子足法矣閨門之間漸而鄉國風俗所由隆也虔翁名不詳

乾隆辛巳大水農人陳在甫乘舟於怒濤中鉤取器物遇其戚負一兒於背抱棟漂水中呼救陳攘其木而推戚於水所負兒遂死戚漂至金灣過拯得活明日趨至陳家而唾而責之陳遂不齒於人陳死久矣家皆蕩盡其子爲竊賊咸以爲其父之報

也書此爲鄉人戒

鄉里有釀錢搵勝會者獲之常敘五父常翁以敘五省試無資
斧言於同會友請讓借適前搵者已有三十三點拒不肯矜甚
翁持孟仰天呼曰見若得鄉薦將軍佩印來搵之得點三十四
凡五枚得六一枚得四俗謂之將軍印是科敘五登賢書阮丈
達陽說

余里中常翁名森南富於財如廁一白鏹在地俗以金銀之保
露者爲不吉森南睡之曰爾無禮乃不衣冠見我恥不顧而去
已而悔之曰奈何不取然見之良久廁上不一人將他人有矣
復往視之白鏹故在已風吹一紙覆之不更俛露仍拾歸他人
竟未見信乎得失之有數一鏹且然况大於此乎

批湖志

卷五

三

黃衮公道橋人草書入懷素之室每大書鵝字得者珍藏之

聖祖南巡哀年九十迎

鑿獻字賞大綬二疋

書賈夏老者浙江龍游人與湖上諸文人遊順治初遂居湖性
蕙直不好諛佞見不平輒攘臂爭是非動引古聖賢面折之晚
年喜星家言爲人推衍星命必引福善禍淫之理委曲開喻贈
貽不計多寡貧乏者不惟不取且隨力資給之既老而貧麥飯
豆粥日得再食便忻然自得非其道豪髮不肯妄干徐坦菴逝
奔赴啼哭如嬰兒范荃撰夏老傳以弔之

歐陽復旦字爽谷號晴峯公道橋人善畫妙語言嘗遊城南秋
雨菴菴僧竹溪以水請盟作禪語曰居士六根清淨請洗沐爽

谷潑其水答曰六根既淨又焉用洗又嘗過山東青駝寺寺僧托病不起爽谷故知醫強爲之診曰此證虛須人參吾行篋中有此當持贈僧頓立起情色極恭爽谷疑視良久謂僧曰才細察爾面色非真虛參可不用矣題一詩於壁而去

書鬼神第七

族人焦建維居公道橋娶一營卒婦婦攜其前夫女來同居年十八矣嘉慶十二年女忽目直視僵臥氣絕但身溫軟不卽殮異久甦曰適對簿來前生爲王林妻林業銀匠有幕客石先生者以金五十兩銀百兩令鑄作器林利之始令妻餌以色妻不肯復與妻謀殺之妻又不肯旣而殺於某橋下埋其屍人無知者今石先生控於帝矣言已又僵而又甦如是者五日案已結

北湖小志

卷五

三十一

王林生六合縣富戶逮至年十五六面白如粉衣飾鮮美項下有金鎖圈一訊而服以妻不同謀釋回而林已下春磨獄始訊者有大老爺三老爺大老爺面東坐三老爺面南坐獄既定俟五老爺成之其始過一橋危不敢獨行有一人以手援之女怒斥曰吾女子豈可受爾援其人乃接以馬策曰我爾生父陳文節也無畏當護爾於是五次皆過橋皆以策援道渴甚見甌水欲飲之陳以策擊甌碎訊時梏兩手痛甚視兩手指果青腫其大老爺與一丸藥令吞甦時尚在喉若沙石飲以湯乃下嗚呼余觀搜神還冤等記以爲僞者之寓言然狐笑之御申生灌夫之守田蚡彰彰於經史者詎皆虛論耶神道設教聖人誠有以通乎幽明之故其跡似怪其理實庸建維不諱其事而鄰里鄉

黨罔不目覩而親見之特書於此以爲後人勸閱者勿以爲荒誕而忽之也

梁姓者東庄嘴人偶腹脹以刀割之腸出又自官呼郭姓者視之
言餓郭飲以粥已而稱心若絞宛轉以死或曰梁嘗盜神像
肚中物故有此報或曰有岳鬼戊辰春正月事裔德宏說

黃旺喬東嶽廟余旣記其靈異於卷二而神之昭著非一事也
廟本高氏建造高之裔有爲僧者住廟中不守戒律跡殊穢褻
一日登案上爲神易衣神掌忽起擊其頰踏於地高懼甚徙他
處

水災之後湖中人鬼相雜有宰姓婦居赤岸湖素愿弱且懷娠
將免矣有神附之男子前導亦作神語導者躍幸婦緩步張拱

北湖小志

卷五

西

翼如每至人家宅中南面立索焚紙錠或許以血食乃去然見
土神祠則拜嘗至吾友王景升家其尊者望門而睡曰好大火
氣少時宰婦來景升稍稍折之亦自斂退余憶一說部書中記
有嶽神憑婦人者或詰之曰神正直何爲依婦人神語塞乃自
白其爲鬼非真嶽神也宰婦亦其類耳又有憑以至木工家者
木工持斧大呼曰不退將斫爾其人竟去

書疑義第八

劉一清祈請使行程記云德祐丙子三月初三日宿灣頭初四
日過邵伯鎮徑行一堡子澗六十里北軍屯戍又有水寨屯軍
甚多內有小堡子六十餘所波羅相公阿里右丞在內初五日
過天長縣初六日渡天長河初七日過寶應軍按元史元兵屯

新城此言濶六十里則凡今北湖之地皆其屯所天長河蓋卽今秦蘭河是時高郵以東尙爲宋有故自邵伯鎮迂天長而至寶應軍以今地推之或由楊家渡或由湯家泮西至楊獸醫壩而北一清謂路上屍骨如山則秦蘭以南邵伯鎮以西豈尙得案堵無恐余所居之地舊名倪萬二庄相傳爲宋元舊族余族自永樂時卜居於此倪萬已不復有人則盡於前此之兵荒可想而知也嘉靖維揚志舊圖於黃珏橋之東皆標水寨蓋南宋時地邇淮泗爲兵防戒嚴之地惟黃河北流旣斷全力注淮漕隄東諸湖之水滙三十六陂而爲一昔時兵火之場悉縊於湖故明中葉以後士大夫多棲息於此府縣志稱宋元人避地北湖是未深考耳

北湖小志

卷五

五

黃珏橋北十里有土城口其北有治平寺寺後有南王墩又稱南王墓耕田者嘗於墩上得鐵繩端自土中出按元世祖封脫歡爲鎮南王出鎮揚州世襲其爵自老章及脫不花孛羅不花皆爲之此其墓耶土城蓋亦宋元間堡寨之遺

舊志言九龍山在城西南十五里豐樂鄉下接湖水按九龍山卽九龍岡當云去城北五十里若西南十五里無豐樂鄉亦無湖水也

宋真宗天禧間江淮發運使賈宗言歲漕自真陽入淮汴歷堰者五糧載煩於剝卸議開揚州古河繚城南接運渠毀龍舟新興菜萸三堰鑿近堰漕路以均水勢時王臻爲淮南轉運副使言揚州召伯堰實謝安爲之人思其功以比召伯不可廢也濬

渠亦無所益坐異議降監察御史發運司卒濬渠薛奎傳亦言
奎爲江淮制置發運使疏漕河廢三堰以便餉運按五堰者北
神召伯茱萸新興龍舟也賈宗建議而薛奎行之而所毀者新
興龍舟茱萸三堰召伯北神尙存其後殿直王乙請自召伯埭
東至瓜州浚河百二十里以廢二埭江淮制置發運使以工大
不可就止置廂召伯埭旁人以爲利然則雖置廂而埭在夢溪
筆談言北神召伯諸埭相次廢革至今爲利則乙之後召伯埭
終廢矣今之召伯鎮非古之召伯埭也王乙言召埭東濬河百
二十里至瓜洲則當時埭在運河之西橫隔水中故有剝卸之
煩且今召伯鎮至瓜洲止九十里此云一百二十里則召埭必
非召鎮鎮當新城湖之東而召伯湖在鎮北二十里湖名召伯
北湖小志

卷五

美

必召埭之所在竊疑湯家泮橫亘東西實界南北古之召埭或
設於此是則埭在西而河在東與王之言合也

太平寰宇記引西征記以吳王釣臺在雷陂按今新城湖楊家
渡之南有高阜阜上有松影菴土人呼爲釣魚臺相傳卽吳王
釣臺此地去雷塘甚遠西征記作於戴祚其書最古所云雷陂
果卽今之雷塘耶廣陵故城在府北十八里今之雷塘在府北
十里當漢時且在廣陵城南而廣陵城已近北湖名相襲而方
已移故書之所記與故老之所傳兩存焉可也

冢記云齊褚澄有遺書多言修養及醫藥事刻石十八片以爲
柳時太清三年題曰有齊褚澄所歸後爲蕭廣所得遺命子淵
復爲柳淵用石一片刻敘其上葬於廣陵城北三十五里陳源

橋久之亦被發書傳于世城北三十五里正在北湖陳源橋則不知所在

舊志鳳凰林在城北三十二里招賢鄉宋理宗紹定四年有鳳鳥至故名按今城北無鳳凰林地名惟楊獸醫壩西南有鳳子嶺疑卽此也

黃珏橋南七八里西來菴之南有耿家閘閘南有耿王墳閘北亦有一墳碑上書少司馬大中丞青黎耿公之墓康熙元年立詢之土人言數十年無省墓者郡縣志均無可考記于此以待知者

北湖小志

卷五

七



補之主人言幾十年湖濱有青龍潭志以於有慈順千湖以去
不似似查

家述上

余村舊爲上下兩庄在黃珏橋西南半里許聚族而居屋瓦相接庄後種竹竹外老樹千餘株樹間有樓數里外見之人稱曰焦家樓乾隆間歲苦於水族漸他徙業旣零落丁口亦稀兩庄所存之屋十之二三而已焦氏之先或云自山左來未有徵也伯高祖明遜始創湖上焦氏譜系僅以居揚州北湖者爲斷其他遂莫可考今因之以載於篇

焦氏朔初居江都東鄉八港口有祖號望武素敬事真武神最誠夢神促之行曰此地有大厄不可居乃遷於城北澗陳壩之北湖小志

卷六

西未幾靖難兵南渡八港口竟罹於難於是吾族益敬事真武神不祀者非吾族也望武生二子名字不傳分東西分東分生廣始遷下庄廣生有有生鼎鼎生遷遷有厚德舊譜云去世久遠聲名猶載口碑惜乎本末不能備也生四子長府沒於明季金溝河之役次庫幼卒次文科生四子次文舉生七子共十一房爲循高祖輩十一房生四十七房爲循曾祖輩四十七房生九十房爲循祖輩九十房生百二十房爲循父輩文科字仰湖其後爲西分文舉字少湖其後爲東分

西分四房明峻明暘明顯明德明峻生三子必茂必蕙必美必蕙生二子長復榮次亮亮嗣必茂生德潤德潤生彭壽絕明暘字震鳴循高王父也生四子長泰來次必萃次豫來次師萊師

來後改名源循曾王父也泰來字廣生縣學生生三子燦焰煥
焰生鶴林嵩林鶴林生增必萃字拔之卒於順治丁亥十月娶
樊孺人年十九妊遺腹孤才兩月孺人忍痛保身明年四月孤
生名鑑孺人撫而教之既成立生子遐齡遐齡年三十而卒妻
劉未三十也苦節終其身劉生三子廕侯爵侯又早卒妻蕭苦
守十八年窮餓而死四世有三節婦惟樊孺人舉於有司樊孺
人處妯娌間和婉藹然時而正色立言則霜氣逼人毛髮莫之
敢近凡守節六十一年邑志云四十四年據舉於有司時也循
曾祖母卞孺人父卞公無子憐女不合習女紅延師教以詩畫
卞孺人遂工詩善畫山水花卉嫁時箱匱皆孺人自繪而題以
詩循幼時尙見匱上詩嫡母謝孺人每抱循手指而誦之述其

北湖小志

卷六

二

爲卞孺人作也族間諸娣見奩厚多嫉之又笑其不能鍼也
惟樊孺人相處而善若兄弟時曾祖入學爲學生索逋曰迫田
租所入不足給卞孺人乃焚棄筆硯曰此豈婦人事邪盡易簪
珥衣裙以償逋課疆以力田親主爨汲每食粥飯茶蔬器重且
執孺人一一手掣之布於案然後呼力田者歸食力田者皆喜
獲數倍孺人善治家量入爲出久而漸有贏餘向之嫉且笑者
家日落孺人時以錢穀周卹不念舊憾生二子長炳次鏡鏡字
鑑千哲先大父也炳後改名沛然字星若先師事王祖修不能
售於有司復師事郭嗣齡益不售安溪李相國門人胡公督學
江南得伯祖文深奇之取爲郡學生時年已四十目短視廣面
鬚若戟胡公笑曰子之貌何不類儒伯祖厲聲曰孔子貌若俱

儒何貌也聞者肅然甘泉令張公宏進將至引湖繞西山而南達於江不便民里人甚懼值令至湖伯祖往謁力陳不可令恚伯祖隨至縣庭反覆陳其不便狀先是吳中奸民嗾令爲此將藉爲利令惑之既聞伯祖爭當於理自悔悟適大吏亦止之乃止伯祖樸誠不欺見義勇於爲鄉黨憚之有口角詬誶得伯祖一言卽解舉爲約正每朔望集民教之婉曲善導一時訟爲之減宣化使者涂公逢震謂伯祖曰君百里才老於鄉官屈也晚年於宅後起書屋種竹植梧吟誦其中生一子蘭蘭生三子待得徹待無子以增之子廷福爲後豫來字樂生酷好吟日可數十首每遇戚友家几案垣壁題詠殆遍頗以取厭於人已而敗棺廢槨亦書之口吟卽成句其從兄潤畫蘭每竊以詩題其

北湖小志

卷六

三

幅潤以爲汗不能改也明顯生瑞來耀來慶來慶來生鑣鑣生五子鶴永京亶雍永宇聲依江都學生善詩古文循曾見族父騎手寫其古文稿及詩今求之不可得又聞有月令注一卷授其門人陳功士今亦不知所在是可惜也明德生必黃

東分七房明達明道明選明遜明遇明通天植明達字雲樓字藻字霞生縣學生尤徵君璋謂其以文行稱生二子錦僕僕字衡若生子璵縣學生霞生弟晚生生二子承露承霖承露字晉筠江都學生明道萬曆乙卯科武舉人舊譜云孝友兼進和藹近人生七子必蘇必蕃必葱必榮必亮淳必亮字雲章與衡若晉筠同以詩名家有別墅與范石湖陳浩海高淡園爲文酒之交今其後人或農或賈先世遺書遂莫可問淳字穆生康熙丁

卯科武臣元時亦知名明選生賡泰賡泰生南俊南傑南吉三世皆讀書爲諸生賡泰子載歌幼聘貢生瞿之秀女未娶而城破瞿居城請於之秀曰予處子恐不及死悔晚矣遂自縊賡泰篤學能文著述甚富有澹園詩苑行世南傑生二子釋祖率祖釋祖字繼堂工騎射能文章個儻多才智二十遊京師爲馬公齊所知薦於康熙王府中王愛其才甚器使之數十年不得歸雍正初乞歸省墓王使四人隨之訖即促行明年卒於京師王召率祖往迎喪憫其兄將用其弟率祖臨喪卽位而哭極哀不謁王王使人導之來率祖叩頭謝曰王之恩沒世不敢忘但率祖今日爲兄來見王則不敬兄持兄喪而見王爲不敬王請以異日王聞而歎曰南人善謁秀才乃若是耶益以爲重賜金扇

北湖小志

卷六

四

扇上有王像諭曰有子弟入京持此扇來率祖再拜受卒不見率祖字履安天性誠篤承祖父之學安道守貧語默動靜未嘗稍溢規矩其迎兄喪不謁王時人或哂其迂先君子曰此徐孺子申屠子龍之風也吾族中可爲君子人矣以歲貢生選望江縣訓導卒於官生一子汝驥字鳳來爲諸生有聲南吉生三子暉祖紹祖復祖暉祖字益潢江都學生生二子汝翼汝弼明遜縣學生性嗜山水好遠遊著有南遊草湖上焦氏譜生五子悅來必英必菁必著吉生悅來縣學生生珩珩遊閩中遂卜居汀州府長汀縣小教場久不得歸思念祖墓繪揚州北湖圖自城至湖尺寸不失懸諸寢室每對之泣下在閩生子承烈康熙己亥赴京師道過揚珩以圖授之令按圖行卽達故里承烈如其

言若遊熟徑嗚呼疇之志苦矣然可爲輕去其鄉者戒也吉生縣學生生霈霈生步青字雲上善飲酒工文章開門受徒從學者先後數十人每酣醉文思湧發手指口說名理燦然數十菴半日而刪訂畢不醉時不能也生一子汝楫縣學生明遇生四子必芝必齡必莪必達明通縣學生生六子溥演潤潼注淳溥武學生學卒妻郭氏苦節數十年教子九如讀書爲郡學生生三子芳芬蒲芳字時若善書法多識里中故事性謹愿無虞詐先君子重其爲人念其乏設悅來米行令時若當行牙時若以公平爲糴糶不知輕重出入以巧取利商賈不集又喪子竟老病以終哀哉演生幅幅生灼甘泉學生潤字德安號仁亭江都學生爲文氏婿文命時以畫蘭之法傳之更工於竹石縱橫奇北湖小志

卷六

五

逸幾不知下筆虛性耿介非其人求之千金不許也嘗有詭構其畫者已成矣後知其人大悔於每幅蘭葉上作數驢而不署名字生三子麟士龍士遵祖潼生五子兆熊成五兆彪兆鼇慎兆熊字學時號敬齋雍正丙午科武舉人著敬齋詩一卷生繼武繼轍皆縣學生繼轍字鑿前少貿易折資改而讀書年已二十矣卒爲通人善書法工於詩與詩人張輅交所著有晚翠集蕪城雜詠仿古雜記良友贈言共若干卷生開基福基福基太學生成五字性成太學生生粲武學生善射試泰州時白袍映日放弦貫的學使者以爲異人生夢梅甘泉學生兆彪太學生生繼轍繼彭繼軒繼輻兆鼇字倫士武學生勇力絕倫鄉里畏之生煥字炳文通經學尤深於易補甘泉廩膳生好聚書彙翼

本皆手授之湖中學者有疑則就而問性溫恭醇遂聞父怒則跪受鄉黨宗族以孝稱年四十一而卒無子倫士公悲憤甚於樓下掘大坎然薪其中盡以所聚書投之燒三日莫敢諫止所著易注亦焚惜哉公面若虎努目而視見者却走而獨愛循每呼至其園亭看花酌酒歡笑累日未覺其可畏也嘗以一硯置循今藏於篋煥尤探於醫手著一書名醫學指南繼輔故師事煥焚書時匿得之後遷居西山劉家集本此書治人輒效今不知其存矣天植字培之順治辛卯科副榜以文學各生七子濤瀾淇淮瀛浴湧濤字濯月瀾字漢水皆諸生濤生懌愉瀾生愔愔愔生驥忱生軒軒字進辰縣學生淇字衡水太學生未弱冠應離使魏公試首拔榜名下注云寸晷立就七藝精純暢達可北湖小志

卷六

六

卜異日勲名於是文譽噪一時後去而從事貨殖家業日盛篋於倫理合族百餘家貧者養之富者教之推及姻親戚友無不各得其情久而不倦尤慷慨好施急人之難鄉鄰有口角詬誶就而質者輻輳於門骨肉夫婦之間賴公而全者不一其人或田宅貨財以增損爲齟齬公陰解囊以消息之賄累雖千金未嘗有吝色用是黃珪橋鎮四十年無一事質於公延初有王姓者與里人訟公知之力勸其和旣狎王疑公之私於彼也指門而詈公不校亦不辨久之王知公無私且訟不息害將及已於是感公甚後公樹門戟須在王屋中策一楔公戒不可王聞之趨至曰向詈公至今愧悔無以立人世幾成疾果策楔於室庶可釋吾愧而愈吾疾也公嘗獨力修黃莊橋及隄以正月朔一

日卒是日湖中人不賀節不知姓名來哭於門者積香楮如邱
烟燄出檐宇幾焚其甕先是有遠方兄弟爭財者過吾里聞公
之風極愧悔歸而復合鄉鄰有鬪者惟恐公聞知村社市集愚
農酣酣怒號毆詈之際主伯不能制其奴隸父兄令不行於子
弟一聞公言闐然散去有含羞背人矢志戒飲者施棺槨掩遺
骼冬散繻袴暑給茶湯頻年水災解倉困以活饑人巡撫穆公
以扁褒其門有老翁鶴髮虬髯策蹇至公門曰吾浙人官於北
方解組者也偶遊淮南耳焦君之化耻當吾世而不識其人特
相訪耳既見公不告姓名而去公之沒也吳寅弔以詩云淒其
念載憶相從歷歷芳規實可宗賤子每蒙青眼顧仙車寧料白
雲封望廬人返思王烈作讚誰能比蔡邕曉向湖天雲黯處春

北湖小志

卷六

七

風吹淚入波溶生四子憬熹惘杰憬字逢庚號醒齋雍正癸卯
科武舉人與徐芑徐棄疾爲詞友著醒齋詩餘一卷居親喪與
兩弟廬於墓三年不宿內不一御酒肉睦嫻任卹排難解紛君
子以爲克承父德也生二子輪軾輪字蒲載軾字應瞻皆縣學
生輪生汝敷太學生以詩名軾一字憑軒又號熊符工詩古文
詞善雅謔書法入歐顏之室肇窠大字揮筆立成縱橫皆如鑄
鐵長於六書一依許氏說文時郡人知說文者尙鮮也循嘗學
詩於公爲公編詩文集爲憑軒遺筆二卷又著梅花詩謎百首
每首隱一物兩面偏肖奇作也生子汝成縣學生喜字爰朱號
定齋康熙壬辰科武進士任石匣中營守備陞居庸關都司
誥授明威將軍將軍精槍法勇力敢爲不顧身命賊盜畏之如

虎軍中號曰亂神及其執筆爲小楷細若蠅頭秀韻絕俗時而吟詠則風雅過於文士有所佩刀長尺餘可削鐵陰雨時血光迸出鳴嘯有聲槍首長一尺色黑似鈍以撞物可穿木石初謁李宮保衛於京師召之食謂曰聞君善槍能爲我試乎對曰諾方擎杯置酒席間索槍試試畢復舉杯飲神色不變顧盼自如宮保極愛重之卒於官生二子駒驥駒郡學生生汝斌謹厚長者能詩驥生汝政汝徵悃字外舒太學生爲淮後劾以孝弟稱侍嗣母庄居生父母居鎮上每日定省雖風雨不輟仲兄明威將軍之卒于官也往以喪歸潯暑跋涉數千里不以爲勞其好施利物克承先德恒曰吾無他慮惟慮死無以見先人耳生子輯杰太學生生韜韜武學生癡字右登康熙己丑武進士生

北湖小志

卷六

八

五子愷魚怡忼兆麟愷生韜字麗左縣學生魚字龍門康熙丁酉科武舉人生驕字肩維旣入武學學使張公廷璐愛其文令棄武生改試文驕不可曰吾家世武不願文也善詩古文沐浴於左史漢魏中文士莫能及也兆麟武學生生志尹縣學生浴字沂水郡學生生懃字山起縣學生著有中山文稿湧字崑源縣學生

家述下

武進臧庸撰焦氏世德記云焦氏世居江都黃珩橋分縣爲甘泉人自明永樂間聚處湖濱上下庄有舊樓爲嘉靖年所構蓋以忠厚世其家已三百餘年矣有文科者掌江都刑掾未嘗妄受人一錢往往脫人於死其後積昌長房充是掾者有違先訓

子孫遂絕文科子明賜與諸弟已析產既而諸弟疑明賜之產獨厚索分之明賜曰此本先人之產也卽如所欲子之明賜子源娶於卞卞家故饒且能詩工書畫時源與籍兄同居諸婦嫉卞之奩厚迫源析產而遣以先債源與卞躬耕自給卞并鬻其釵珥以償逋久之業復舊恤其兄之子不遺力源子鏡元旦遇無賴子於塗辱之毀其冠鏡退易冠而出逾日無賴子自愧造門謝鏡念其貧厚給之娶於王明吏部納諫之元孫女生子葱王氏世以易名家吏部之曾孫明經祖修以易教授葱爲明經外孫得聞王氏易說並熟焦氏易林郭璞葬法嘗一應童子試以咯血廢業補國子監生性好施與遺田八九百畝以是中落於孤子孀婦周之尤至有謝姓者昏夜叩門曰吾逋多將售所

北湖小志

卷六

九

居以償之他人皆利子錢子獨否是以竊告幸偕往取償遲則爲他人得矣則艱然曰子奈何輕棄祖宅我豈迫人賣屋錢耶卒勿取歲歉棄產以償貨適戚有喪卽分助之曰吾尚有產可棄不可俾吾親戚無所殯有爲人行其詐者人不忍欺舉以告則權辭以答之而不明其詐並慮詐者之自愧也戒家人勿使知性和易無疾言遽色橫逆來受而不報客至雖卑幼必加禮語不及義則正色謝之相者謂兩目如蠶眠法無子久之復遇相者曰蠶化爲紅色此陰德之徵當得子已而果然自筮將終取貧者之券焚之負人者盡償之曰不可俾吾子孫失忠厚意也嘗謂曾子述顏子之行曰有若無實若虛以能問於不能以多問於寡孟子述顏子之言曰舜何人也予何人也有爲者亦

若是而孔子言慮以下人當仁不讓於師顏子語本此學顏子者貴學其虛心又貴學其立志三年之喪禮經所載儀節極詳而委曲繁重律之今人蓋未能一時行之也古人處已接物務正大光明耳語爲人鄙目語爲人疑不足立名亦不足保身矣魏胡質辭交於張遼曰古人取多知其不貪奔北知其不法聞流言而不信故交可久武伯南身爲雅士將軍稱之不容於口今以睚眦乃爲嫌隙况質才薄豈能終好遼感其言與伯南如初交友者宜三復之張公藝九世同居力持忍字余謂骨肉當通以至誠疑則釋之俾可其見若久蓄而不化一旦發之必潰矣又曰爲善而使人不可受則厚反爲薄誠於善者必能曲達使施之無迹受之無愧陽善陽報之陰善陰報之好名名報之

世之稱君子者後或不昌稱小人者後或絀盛此其際微矣人與我爭名則自化其矜人與我爭利則自戒其貪不矜不貪將何所爭共事在能分謗曰不受過而諉諸人人何以堪旣不能全己之交又不能全人之交則市道也娶於謝年三十四無子謝請曰翁之喪無孫成服吾之咎也又曰始年六十忍令不抱孫乎亟求宜子者因納殷並納陳殷生子三人長循嘉慶辛酉舉人次律國子監生次徵揚州府學生謝教子口授毛詩及古孝弟忠信事多置紙筆令學書父則召殷共績麻桌或造鬼鏹而不作詩曰詩非婦人事也先祖姑卞孺人深於詩晚年以爲戒陳性慈且多詐嫉殷構毀或諷殷以去殷曰婦人從一而終去將安之或勸謝逐陳殷又不可曰去人留己人謂我何乃避

之宅西屏華飾習農事諳其利病而能其勞苦謝以爲賢亟迎之歸謝病殷事之惟謹謝命婢啟笥出釵服曰此先翁姑所賜命吾爲婦者今授汝殷涕泣受之越二年謝卒殷設筭以向所受者爲歛曰昔者不辭重違孺人意耳今仍歸諸孺人踊哭鬚麻之節不異子婦之事舅姑也循之子廷琥江鄰縣學生績學能紹其祖父業臧庸曰余讀里堂孝廉所撰佩士先生並謝殷兩孺人事略未嘗不肅然起敬歎令德之日昌不德之日促也上自高曾上逮孫子蓋七世三百年莫不以忠厚文學世其家而又代有賢母以爲內助知其祖宗以來詒謀深而積德遠矣佩士先生家訓尤深遠明確得古聖賢精意蓋粹然有道之儒也孝廉樸學治經生家言精天文算術著羣經宮室圖考里堂

北湖小志

卷六

十一

學算記凡若干卷醴泉有源靈芝有根信矣孝廉不以庸爲不文手持是冊乞言者再庸深愧淺薄不足以發明其旨而竊喜焦氏之世以厚德相嬗也因列其言行之大者爲世德記並以自警其生卒年月子孫字號已詳墓表誌銘者不復贅云嘉慶十二年歲次丁卯午日武進臧庸記於廣陵城南之淮海樓



